

校勘記

毛詩

		一	漢
	一	五	書
	一	〇	門
一	一	二	
六	一	號	類
八	一		
册	架	函	

一	五	類
一	〇	
六	八	奇
一	二	
六		
架	册	號

內閣文庫	
番號	漢 1502
册數	168 (127)
函號	276 27

0 1 2 3 4 5 6 7 8 9 10



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

G Y M

© Kodak, 2007 TM: Kodak





毛詩注疏校勘記卷二

起十一盡二十

臣

阮元恭撰

○氓

氓刺時也

小字本相臺本同閩本明監本毛本亦同唐石經

唐石經作毗者避民字諱而改之耳猶避世字諱改泄作洩

之類也傳氓民也說文氓下同是毛詩此經作氓之證毗字

取諸周禮遂人耳周禮釋文致毗亡耕反又五經文字田部

刺淫泆也

唐石經小字本相臺本同閩本明監本毛本亦同

正義本皆作佚唐石經改作泆者非也閩本以下正義中亦

摠言當時一國之事

閩本明監本毛本事誤夷

蚩蚩者敦厚之貌

閩本明監本毛本同小字本相臺本無

毛詩注疏校勘記

卷二

男子之通稱

相臺本同閩本明監本毛本同小字本稱下有也字

且爲會期

相臺本同閩本明監本毛本同小字本作期會案期會非也標起止云至會期可證

非我以欲過子之期

閩本明監本毛本同小字本相臺本以作心案以字誤也考文古本以心

復出亦誤

宜爲請

閩本明監本毛本宜誤官

變民言也

閩本明監本毛本同案也當作毗載芟正義引作毗可證

毗猶憎

閩本明監本毛本毗誤氓案正義引羣籍有依其本書之字不順經注者此類是也或於下言

字異音義同或不言者省耳皆不可據經注及正義上下文改之○按白帖引周禮作氓凡詩禮作毗者唐時最俗本耳孔冲遠所據周禮故作氓也

郭璞云敦孟也音頓

閩本明監本毛本同案音頓二字當旁行細字正義於自作音者例

如此○按音頓二字亦景純語今俗本爾雅刪之

言且者兼二事也

明監本毛本且誤日閩本不誤

故能自悔

小字本相臺本同閩本同明監本毛本悔誤誨

我以所有財遷徙就女也

閩本明監本毛本同小字本相臺本遷作賄案賄字是也

無食桑甚

唐石經小字本相臺本同案此釋文本也釋文云甚本又作椹音甚考正義本是椹字見下五經文

字云椹詩或體以爲桑甚字亦其證泮水經作黹卽用字不畫一之例

言吁嗟鳩兮無食桑椹

明監本毛本椹誤甚閩本不誤案正義椹字凡八見十行本皆

從木閩本亦然是正義本作椹也此借椹爲甚而正義不易爲甚而說之者卽以椹爲正字不以椹爲甚爲古今字也考文及補遺皆不載亦如郭忠恕佩觿謂桑甚字不當用鉄椹字耳凡山井鼎物觀以爲誤者則不載其例如是

而女思於男

閩本明監本毛本同案浦鏗云思當異字誤是也

隕惰也

小字本相臺本惰作隋閩本明監本毛本亦同案隋是誤字考文古本隋作墜采正義其葉黃而隕

墜而誤也黃而隕墜正義取王肅述毛語為說耳非傳作

幃裳童容也

小字本同閩本明監本毛本同相臺本幃作幃考文古本同案幃字是也經傳皆是幃字

箋當同小字本傳亦足幃皆誤正義於箋引周禮注而說之則用幃字順彼文耳不當據改其說經傳自作幃標起止云傳惟裳

恩意疏薄故耳

毛本意誤義閩本明監本不誤

山東謂之裳幃

明監本毛本幃誤韋閩本不誤

泮坡也

相臺本同閩本明監本毛本同小字本坡作陟案釋文云坡本亦作陟考正義云故以泮為陟澤陟

傳云陟澤障是也箋以泮不訓為陟是其本作陟標起止云傳泮坡當誤也

總角之宴

唐石經小字本相臺本同案釋文云之宴如字本或作井者非正義云經有作井者因甫田總角井

今而誤也定本作宴考羔裘傳宴鮮盛貌此義當與彼同釋文正義皆不從或本是也○按鄭羔裘作晏鮮盛貌非宴字也宴不得訓鮮盛

信誓旦旦然

小字本相臺本同案正義標起止云至旦旦然又云定本云旦旦猶怛怛考釋文云旦旦

說文作息息說文心部怛下重文云息或从心在旦下詩曰信誓息息是許本毛詩經字作息也鄭箋之本字與許異經字作旦傳同而旦即息之假借故箋云言其懇惻歎誠字為旦義仍為息實與許未嘗不合也定本改息用怛又以為傳始有此字乃去傳然字而以猶怛怛附益之皆誤之甚者也考文古本作信誓旦旦然猶怛怛也一本作旦旦猶怛怛然無信誓二字皆采正義而又皆誤

結髮宴然之時

小字本相臺本同閩本明監本毛本宴誤晏

我其以信相誓旦旦耳

小字本相臺本同案段玉裁云耳當作爾其說是也傳云旦旦然然

手言注疏考甚言 卷二 三  
云旦旦爾然爾一也考文古本作爾因二字不別而偶合

曾不念復其前言 相臺本同小字本念復作復念案正義標起止箋會不復念其前言云今定本

則我而已焉哉 閩本明監本毛本而作亦案所改是也

以經云有岸有泮 毛本泮誤畔閩本明監本不誤

男女未冠笄者 明監本毛本女誤子閩本不誤

注云故髮結之也 閩本明監本同毛本故作收案收字是也

變本言信 閩本明監本毛本同案言當作忘形近之譌

○竹竿

以成爲室家 相臺本同閩本明監本毛本同小字本室家作家室案室家是也箋及正義可證

遠兄弟父母 唐石經小字本同閩本明監本同相臺本作遠父母兄弟毛本初刻遠兄弟父母後改從相臺

本案相臺本誤也釋文以遠兄二字作音可證段玉裁云從唐石經今本誤則非韻見六書音均表

出遊思鄉衛之道 小字本相臺本同案正義云今定本思作斯或誤考文古本作出遊斯鄉衛之道矣采正義嚮字則采釋文又作本也

○芄蘭

刺惠公也驕而無禮 小字本相臺本同唐石經初刻作刺衛惠公也驕而無禮後改同今本案初刻

無之亦下二句是也 閩本明監本毛本同案浦鏗云之當禮誤非也此無字是刺之誤

且此自謂有才能 毛本謂誤位閩本明監本不誤

刺之而言容璫之美 閩本明監本毛本同案經作遂傳箋同正義作璫遂璫古今字易而

說之也例見前

君子之德

閩本明監本毛本同小字本相臺本之作以案以字非也正義云以興君子之德當柔潤溫良今君之德何以不溫柔又云故以喻君子之德當柔潤溫良皆其證

芄蘭柔弱恒蔓延於地

小字本相臺本同案此延字衍也釋文云恒蔓延於地本或作恒蔓延於地者後人輒加耳考正義云恒蔓延於地乃自為文以延蔓說蔓非其本箋有延字也延在蔓上亦其證矣各本皆誤當正之

然其德不稱服

小字本相臺本同案此定本也正義云定本云然其德不稱服正義說傳云而內德不稱說箋云而內無德以稱之是與定本不同也但未有明文今無可考意必求之或當是而內德不稱考文古本服作副下有也字未見所出

佩玉璲璲兮

閩本明監本毛本璲璲誤遂遂

玼用正玉棘若擇棘

閩本明監本毛本同案浦鏜云玉誤玉擇誤擇以儀禮考之浦校是也

○河廣

衛文公之妹

小字本相臺本同案此定本也正義本下有襄公之母四字正義云今定本無襄公之母四字是也

前貧後富貴

閩本明監本毛本同案貧下浦鏜云脫賤字以大戴禮及家語考之浦校是也

非為其廣

小字本相臺本同閩本明監本同考文古本亦同毛本為誤謂下非為其遠同案釋文非為于偽尺考文古本采釋文

亦喻近也

小字本相臺本同案此正義本也正義云定本無亦字義亦通考下箋云行不終朝亦喻近乃亦此箋非此箋亦上喻狹當以定本為長

○伯兮

至不反

閩本明監本毛本同案反下當有焉字唐石經以下各本皆有此字也

則傑為有德故云英傑

閩本明監本毛本同案經作桀注同正義作傑桀傑古今字易

而說之也例見前

戈祕六尺有六寸

閩本明監本毛本同案浦鏜云祕誤祕是也

用則執之

閩本缺用字明監本毛本誤騎

象三材之六畫

毛本材誤才閩本明監本不誤

必有夷矛明矣

閩本明監本毛本必誤兵

司馬法云

閩本明監本法誤注毛本誤註下同

前驅歛犬

閩本明監本毛本犬誤大

諼草令人忘憂

小字本相臺本同案此當作諼草令人善忘故箋云憂以生疾恐將危身欲忘之傳

不言憂箋以憂申之也若傳已云忘憂則生疾危身人所共曉何煩更箋乎釋文云令人力呈反善忘亡向反又如字爾雅釋文引詩云焉得菱草毛傳云菱草令人善忘是釋文本不誤也正義說傳云諼訓為忘非草名故傳本其意言焉得諼草謂欲得令人善忘憂之草此正義本忘上有善字之證其仍云忘憂者以鄭說為毛說凡正義以為毛鄭不異者其自為文每如此非傳有憂字也正義本當亦不誤釋文諼下云說文作蕙云令人忘憂也皆所以著其異耳不知者反據之并取正義自為文者以改此傳失之甚矣各本皆誤當正之考文古本作善忘憂采釋文正義仍誤存憂字

洗南北直室東西

閩本明監本毛本同案浦鏜云隅誤西以士昏禮記注考之是也

背名為堂也

閩本明監本毛本背作皆案所改是也

○有狐

毛詩注疏校勘記

卷二

六

所以育人民也

唐石經小字本相臺本同案正義標起止云至人民又云所以蕃育人民釋文云所以育

民人也本或作蕃育者非正義云所以蕃育人民其本當有蕃字但未有明文耳人民以作民人為是出其東門序云民人思保其室家焉蓼莪序云民人勞苦標有梅傳亦作民人此序當同釋文有誤作人民者今正詳後考證考文古本作民人采標有梅傳

厲深可厲之者

小字本相臺本者作旁閩本明監本毛本亦同案旁字是也者是誤字考文一本作傍此誤采他正義所易之今字耳

○木瓜

其畜散而死三月

閩本明監本毛本死作無案今齊語作其畜散而無育浦錠云育誤分爲

三月二字是也

瓊玉之美者琚佩玉名

小字本相臺本同案釋文琚下云珮玉名正義云琚是玉名又云有

女同車云佩玉瓊琚故知琚佩玉名段玉裁云此傳石誤為名久矣佩玉石者佩玉納閒之石也雜佩謂之佩玉有琚瑀以納閒琚瑀皆美石也鄭風正義釋文皆引說文琚佩玉名名亦石之誤瓊為玉之美者故引伸凡石之美者皆謂之瓊

結己國之恩也

小字本相臺本同案釋文云結己國以為恩也一本作結己國之恩也正義本無可考考文古本作以為采釋文

今國家敗滅

明監本毛本今上衍況字閩本剗入

酸可食是也

閩本明監本毛本酸誤酢案此依今爾雅注改耳

下傳云瓊瑤美石瓊玖玉名三者互也

閩本明監本毛本同案名當作

石考正義下文云琚言佩玉名瑤玖亦佩玉名瑤言美石玖言玉石明此三者皆玉石雜也故丘中有麻傳云玖石次玉則玖非全玉也據此則正義本唯琚佩玉名作名其瓊瑤美石瓊玖玉石皆作石故云三者互也互



謂玉名美石玉石相互也若是瓊玖玉名則與瓊琚佩玉名同與瓊瑤美石別而三者不復互矣亦不當引傳玖石次玉而說之也今正義瓊瑤美石不誤而瓊玖玉石及玖言玉石二字皆誤為名所當正也

**瓊瑤美玉** 小字本相臺本同案釋文瑤下云美玉也說文云美石正義作美石見上段玉裁云正義是也說文琨珉瑤皆石之美者玉爵瑤爵為等差在周禮禮記

**瓊玖玉名** 小字本相臺本同案釋文玖下云玉名字書云玉黑色段玉裁云此玉石之誤王風傳玖石次玉者說文玖石次玉黑色者玉石見揚雄蜀都賦漢書西域傳師古曰玉石石之似玉者也今考正義本作玉石見

上

**二百四句** 小字本同閩本明監本毛本同唐石經相臺本四作三案四字誤

**玉城譜**

**陽樊温原之田** 明監本毛本原誤源閩本不誤

**以洛邑為東都** 明監本毛本為誤謂閩本不誤

**是為東都** 毛本為誤謂閩本明監本不誤

**我乃卜澗水東** 明監本乃誤則閩本毛本不誤

**是殷頑民於成周也** 明監本毛本是下有遷字閩本剝入案所補是也

**幽王嬖褒姒生伯服** 毛本服誤復閩本明監本不誤

**子幽王宮皇立** 閩本明監本毛本同案此不誤浦鏗云滄誤皇非也考高誘注呂覽亦作皇正

義所引周本紀當如此

**遂殺幽王麗山下** 閩本明監本毛本同案此不誤浦鏗云驪誤麗非也考漢書匈奴傳攻殺

幽王于麗山之下亦作麗正義所引周本紀當如此大

小雅譜正義引同采菽正義引作驪當是後改

**此風雅之作本自有體猶** 閩本明監本毛本同案體字句絕猶字當在貶之而作風

毛詩注疏校勘記 卷二

上卽由字也浦鏜校移猶字入而云句中改作獨非也又山井鼎考文云宋板此作也屬上其實不然當是剗也凡千行本修改非一考文所載不誤者俱從之唯誤者出焉

言作為雅頌貶之而作風閩本明監本毛本同案此當作言當為作雅猶貶之而作

風譜所謂其詩不能復雅也黍離箋同又正義云此言天子當為雅從是作風云云亦其證與頌全不相涉衍也猶字錯在上皆當正之

已此列國當言周閩本明監本毛本同案此不誤浦鏜校移已字入上句非也已卽以字

○黍離

而同於國風焉各本此下更無注案釋文云崔集注此下更有猶尊之故稱王也今詩本皆無正義

標起上云至風焉是正義本亦無詩譜謂之王城譜則王字謂東周之國崔集注妄謂九字非鄭意

行道也道行猶行道也小字本相臺本同案正義云今字本文當如此是舊本不如此也今

無可考

何等人哉小字本同閩本明監本毛本同相臺本無等字案正義云何等人猶言何物人大夫非不知而

言何物人疾之甚也相臺本誤

故為憂思無所愬也閩本明監本毛本同案愬當作訴正義作訴上文可證傳作愬標起

止可證愬訴古今字正義所易也此一字不知者改耳餘同此

古詩人質閩本明監本毛本同案詩當作時柔柔正義引作時可證今爾雅疏亦誤為詩

故以遠人言之閩本明監本毛本人作大案此說夏日蒼天所謂據人遠而視之其色蒼蒼然也作大者誤

旻天不弔無可怪耳閩本明監本毛本旻上行稱字案爾雅疏卽取此正無稱字

○君子于役

君子行役無期度

毛本期誤其闕本明監本不誤

君子于往行役

闕本明監本毛本同小字本相臺本無于字考文古本同案有者衍

羊牛從下牧地而來

闕本相臺本同明監本毛本同小字本羊牛倒案倒者誤也二章經文別

本亦或倒但唐石經以下至毛本皆不誤故不更出凡各本皆不誤唯別本乃誤者如何彼穠矣不可畏也求爾新特家伯維宰如彼泉流爰其適歸以篤于周祐降予卿士及此羊牛下括并胡然厲矣假樂君子天降滔德彼徂矣既右饗之等皆不更出因經注本及注疏本固未嘗誤不煩正也

○君子陽陽

遠離禍害已

闕本明監本毛本同案已上浦鏜云脫而字是也

其且樂此而已

小字本相臺本同考文古本同闕本明監本毛本且誤自案正義云其且相與樂此

而已可證

翫纛也翬也

小字本相臺本同闕本明監本毛本亦同案正義標起止如此考文古本翬上有纛字考

正義引爾雅翫纛也又引纛翬也然後說之云故傳并引之正說傳用爾雅而去其一纛字之意考文古本反用添傳失之甚矣○按纛从每正字也纛从毒俗字也說見五經文字爾雅釋文

○揚之水

故言周人以別之

明監本毛本別誤列闕本不誤

何月我得歸還見之哉

闕本明監本毛本同小字本相臺本歸還作還歸考文古本同案還

歸是也

今日安否哉安否哉

闕本明監本毛本同案箋作不正義作否不否古今字易而說之也

例見前

祚四岳爲侯伯

明監本毛本祚誤作闕本不誤

其葉皆長廣於柳葉

閩本明監本毛本於誤似

○中谷有蕓

以喻夫恩薄厚

閩本明監本毛本厚誤閔

喻婦人宜居平安之世

明監本毛本喻上行以字閩本剗入

果至分離矣

毛本至誤生閩本明監本不誤

葉似蕓

閩本明監本毛本同案浦鐘云荏誤蕓考爾雅注是也

皆云菴藺是也

明監本毛本藺誤閩本不誤案菴藺見司馬相如賦漢書作菴閩史記作菴

藺

韓詩及三蒼說

明監本詩誤信閩本毛本不誤

說文云菸綏也

閩本明監本同毛本綏作綏案皆誤也浦鐘云菸是也

徒用凶年深淺為厚薄

小字本同閩本明監本毛本同相臺本厚薄作薄厚案薄厚是也正

義中薄厚字凡四見又標起止云至薄厚皆其證閩本以下并標起止亦改而倒之誤甚

○兔爰

國危役賦不息

閩本明監本毛本同案危當作內以六字為一句

秋又取成周之粟

閩本明監本毛本同粟傳作禾

是諸侯背也

明監本毛本背下有叛字閩本剗入案所補是也

序云君子不樂其生之由

閩本明監本毛本同案云當作言形近之譌

有急者有所躁蹙也

小字本相臺本同案此正義本也正義云箋有所躁蹙者定本作操義並

得通釋文云操七刀反本亦作燥沈七感反蹙子六反本亦作戚七歷反此箋取莊三十年公羊傳文今彼文作操蹙鄭考工記注云齊人有名疾為戚者春秋傳曰蓋操之為已戚矣此箋當亦本是操戚其或作躁蹙者即操戚之

毛詩注疏交功已

卷二

十一

別體皆上讀七刀反下讀子六反正義所謂義並得通也若本又作燥讀為七感反下讀為七歷反則誤作慘憾二字之音失之矣沈重非也又見江漢箋

庶幾無此成人之所為

毛本此誤所闕本明監本不誤

易云庶幸也幾覲也

閩本明監本毛本同案云當作注形近之譌

以傳言尙無成人者為

閩本明監本毛本同案此不誤浦鏗云者為倒非也者字傳無

正義足成傳意耳

造偽也

閩本明監本毛本同小字本相臺本偽作為考文古本同案為字是也○按古為偽通用如人之為言亦作人之偽言左傳為多訓偽

中施罾以捕鳥

閩本明監本毛本罾誤罾

○葛藟

王族刺平王也

唐石經小字本相臺本同案正義云定本云刺桓王義雖通不合鄭譜釋文云刺桓王本

亦作刺平王案詩譜是平王詩皇甫士安以為桓王之詩崔集注本亦作桓王譜下正義云今葛藟序云平王則謚言非也定本葛藟序云刺桓王誤也考此是集注定本釋文本皆誤以皇甫謚所改入毛鄭詩

亦無顧眷我之意

相臺本同閩本明監本毛本同小字本顧眷作眷顧案眷顧是也又見碩鼠箋

王又無母恩

小字本相臺本同案釋文云王又無母恩也一本作王后正義云定本及諸本又作后義

亦通考此文當屬箋今脫去句首箋云二字遂屬之傳非也正義標起止云箋王又無母恩是其證且又者繫前之辭所以又上箋無恩於我也傳未有無恩之文安得云又哉各本皆誤當依正義正之定本及諸本作王后者尤誤此但刺王不刺后若分首章父為王二章母為后則三章昆之所指不應不見於傳箋也正義云義亦通非是

箋王又無母恩

明監本毛本箋下衍云字闕本刻入

漚水濂也

小字本相臺本濂作濂閩本明監本毛本亦同案此非釋文所云詩本又作水旁濂者也乃釋

毛詩主疏

卷二

七

言涉誤耳正義標起止以下及各本皆作陳可證

不行者蓋衍字閩本明監本毛本同案浦鏜云衍字是也爾雅疏即取此正無衍字

○采葛

釋草云蕭荻閩本明監本毛本同案浦鏜云荻誤荻下同考爾雅釋文浦校是也餘同此

王氏云取蕭祭脂閩本明監本毛本同案王氏當作生民形近之譌蓼蕭正義可證

○大車

葵離也蘆之初生者也小字本相臺本同案釋文蘆力吳反正義云此傳葵為蘆之初生則

意同李巡之輩以蘆亂為一也戴震云蘆字訛當為菴葵蘆乃菴葦二物未秀之名溷為一者非說文葵菴之初生可證毛傳轉寫之失見毛鄭詩考正

如葵草之色○然閩本明監本毛本同案○當衍

服其於國之服閩本明監本毛本於誤本

故得如葵色閩本明監本毛本色誤也

毳畫虎雉閩本明監本毛本同案浦鏜云雖誤雉是也

穴謂塚壙中也相臺本同閩本明監本毛本同小字本無也字

○丘中有麻

丘中堯塉之處盡有麻麥草木小字本相臺本同案此正義本也正義云定本云丘

中堯塉遠盡有麻麥草木與俗本不同也釋文云塉本或作遠此從孫義而誤耳是定本遠字亦從孫義但又塉遠復出無之處為異

將其來施施唐石經小字本相臺本同案釋文云施施如字正義標起止云丘中至施施考顏氏家訓引傳

及箋云韓詩亦重為施施河北毛詩皆云施施江南舊本悉單為施俗遂是之恐有少誤然則今毛詩釋文正義及各本

毛詩注疏校勘記 卷二 三

皆作施施者或由顏說定之也經義雜記以為經文一字傳箋重文引邨谷風有光有潰傳洗洗武也潰潰怒也箋君子洗洗然潰潰然無溫潤之色等證之其說是也

正謂朋友之身

明監本毛本身下有也字閩本作○皆誤

鄭譜

又云為幽王大司徒

閩本明監本毛本同案此不誤浦鏗云衍云字非也譜以上說京兆

鄭縣以下說河南新鄭故以又云為更端之辭山井鼎考文載永懷堂板又云作桓公出於臆改其板自是俗書無足論者盧文弼亦取改此文失之矣

問於史伯曰

閩本明監本史誤吏毛本不誤

桓公臣善

閩本明監本毛本同案山井鼎云史記臣作曰是也

故昭十六年左傳

明監本毛本昭誤桓閩本不誤

昔我先君桓公

明監本毛本昔誤皆閩本不誤

斬之蓬蒿藜翟

閩本明監本毛本同案浦鏗云藜誤翟是也

是桓公寄帑之時

毛本公誤王閩本明監本不誤

案左傳及鄭世家

毛本及誤又閩本明監本不誤

齊人殺子廔

毛本殺誤弒閩本明監本不誤

子文公踳立

閩本明監本毛本同案此不誤浦鏗云踳傳作捷非也此據世家

蓋後立時事也

明監本毛本蓋誤皆閩本不誤

是突前篡之箋

閩本明監本毛本箋作初案皆非也當作事上下文可證

宜是初田事也

閩本明監本同毛本田作年案皆非也田當作日形近之譌

雖當突前篡時

明監本毛本時上衍之字閩本剗入

○緇衣

而善於其卿之職

明監本毛本善誤美閩本不誤

則民不愉

閩本明監本毛本愉誤偷下同案此正用周禮字

粢餐也

小字本相臺本同案釋文云飧蘇尊反在粢字後諸廬字前是釋文本餐作飧正義云粢餐釋言文考爾雅與此傳意同皆謂粢為餐假借釋文本誤

在天子宮

小字本相臺本宮上有之字明監本毛本同閩本剗入考文一本同案有者是也

而言予為子授者

閩本明監本毛本同案浦鏗云予譌子是也

非民所能改受之也

閩本明監本毛本同案浦鏗云譌受是也

又再染以黑乃成緇

閩本明監本毛本同案乃上浦鏗云脫則為緇又復再染以黑九字考周禮注是也此以黑複出而脫去

此緇衣卿士冠禮所云

閩本明監本毛本同案浦鏗云即誤卿是也

周緇衣卿士所服也

閩本明監本毛本周作則案所改非也周當作明形近之譌

釋詁云之適往也

閩本明監本毛本同案此不誤浦鏗云適之字誤倒非也有杖之杜正義亦引作之適可證

內路寢之裏

明監本毛本路誤朝閩本不誤

○將仲子

繕甲兵

毛本甲兵誤倒閩本明監本不誤

仲初諫曰

小字本相臺本同閩本同明監本毛本諫誤諫

君將與之

小字本相臺本同案釋文云君若與之一本若作將正義本今無可考

四牡傳云杞枸繼

閩本明監本毛本同案考彼傳及爾雅皆是繼字此繼字當誤



哀二十年左傳

閩本明監本毛本二十誤倒

矣則祭仲之諫

閩本明監本毛本同案浦鏗云矣或然字之誤屬下是也

實敗名病大事

閩本明監本毛本同案敗名二字當衍此引晉語實病大事或記左傳敗名於

傍遂誤入皇皇者華正義引實病大事不誤

園所以樹木也

小字本相臺本同閩本明監本同毛本樹誤種案正義云故其內可以種木也是自

為文不當據以改傳

檀彊韜之木

閩本明監本毛本同小字本相臺本韜作忍案釋文云忍本亦作刃同而慎反依字韜旁

刃此今假借也考采薇箋堅忍白華抑箋柔忍皇皇者華傳調忍字皆作忍周禮土訓考工記二釋文亦可證是此傳本作忍字因正義自用韜字不知者乃取以改也又考文古本作紉采釋文所載沈重說及采薇改作紉白華采所易今字作韜皆非也舊釋文韜字誤今正見後考證

故云彊韜之木

閩本明監本毛本同案傳作忍正義作韜忍韜古今字易而說之也例見前餘

同此

駁馬梓榆

閩本明監本毛本榆作榆案榆字是也晨風正義引作榆

○叔于田

以寵私過度

閩本明監本毛本私誤祿

丰曰俟我乎巷

明監本毛本丰誤毛閩本不誤

夾轅兩馬

明監本毛本夾誤也閩本不誤

言其不妄為武

閩本明監本毛本武下衍也字

○大叔于田

叔多才而好勇

唐石經小字本相臺本同案此正義本也釋文云本或作而好勇好衍字正義云禮禘暴

毛詩注疏

卷二

三

毛詩注疏卷二  
虎是好勇也下文云好勇如此是與或作本同

大叔于田

唐石經小字本相臺本同案此正義本也釋文云叔于田本或作大叔于田者誤正義標起止云大

叔至傷女下文云毛以為大叔往田獵之時又上篇正義云此言叔于田不言大叔于田作者意殊是與或作本同此詩三章共十言叔不應一句獨言大叔或名篇自異詩文則同如唐風杖杜有杖之杜二篇之比其首句有大字者援序入經耳當以釋文本為長

將叔無狃

唐石經小字本相臺本同案釋文云毋本亦作無正義本今無可考

然則藪非一

閩本明監本毛本同案則當作澤上下文可證

孫炎曰狃伏前事

閩本明監本毛本同案浦鏗云伏是也

欲止則往

閩本明監本毛本同案浦鏗云往誤往是也

驂中對文

明監本毛本驂下衍與字閩本剗入

乘一乘之馮馬

閩本明監本毛本上乘字誤乘馮誤馮案經傳皆作馮正義作馮馮馮古今字

易而說之也例見前標起止

以惰慢者必遲緩

明監本毛本慢誤悞閩本不誤

明上句言覆矢

閩本明監本明誤名毛本不誤

○清人

臣有高克者

閩本明監本毛本臣誤將

禦狄于竟

閩本明監本毛本竟作境下言禦狄於境同案所改是也序作竟正義作境下文皆可證

竟境古今字易而說之也考文古本序亦作境誤采正義所易之今字

故言侵也

明監本毛本也誤之閩本不誤

駟四馬也

小字本相臺本同案釋文云一本駟介四馬也考文古本有介字采釋文一本此箋但說駟耳

毛詩注疏卷二

卷二

七

其介甲也已在傳矣一本誤○按毛傳文茵虎皮也謂文茵之文乃是虎皮也荷華扶渠也謂荷華之荷乃是扶渠也傳之例本如此後人有刪改遂致不畫一

乃使四馬被馳駟敖遊明監本毛本被下有甲字閩本剗入案所補是也

故刺之閩本明監本毛本之誤也

首近夷長也毛本近誤短閩本明監本不誤

是守國之兵長明監本毛本兵下行用字閩本剗入

魯頌以矛與重弓共文明監本毛本以下衍二字閩本剗入案此無二字乃與上下文互見不當添也

然題者表識之言明監本毛本題誤則矛二字閩本剗入

中軍為將也閩本明監本毛本同小字本相臺本為作謂考文古本同案謂字是也釋文以謂將作音

注云右陽也閩本明監本毛本同案浦鏗云左誤右是也

為相敵之言閩本明監本毛本言下行○

鄭兵緩為右閩本明監本毛本同案山井鼎云兵當作是也

○羔裘

朝多賢者閩本明監本毛本賢下衍臣賢字

如濡潤澤也小字本相臺本同案此正義本也正義云定本濡潤澤也無如字釋文以如濡作音亦有

如字此傳潤澤正謂裘之潤澤所以得如濡非訓濡為潤澤也正義所說是矣定本失之也皇皇者華箋云如濡鮮澤也亦其證○按裘不得云潤乃如潤耳潤澤正是濡訓定本是也

刺今朝廷無此人明監本毛本人下行也字閩本剗入

知緇衣者 閩本明監本毛本知誤如

○遵大路

不寔故也 唐石經小字本相臺本同案釋文云故也一本作

先君之道故也標起止云遵夫至故也是正義本作也

說文摻字山音反聲

閩本明監本毛本字下有參字案

操字梟此遙反聲

閩本明監本毛本同案此遙反三字

○女曰雞鳴

陳古意以刺今 唐石經小字本相臺本同案正義云陳古之

士字是正義本有士字也

朝廷之士

閩本明監本毛本土誤上

箋德謂至德也

閩本明監本毛本也作者案所改是也

士者男子之大號

閩本明監本毛本大誤美

曲禮所陳燕食之饌

閩本明監本毛本食誤飲

去則以報荅之

毛本荅作會閩本明監本作荅

珩佩上玉也

毛本佩誤珩下同閩本明監本不誤

諸侯佩山完玉

明監本毛本同閩本諸作公案此公字

士佩璫玟玉

閩本明監本毛本同案此不誤浦鏗云玉

下傳亦云佩有琚玖所以納閒閩本明監本毛本玖作瑀案瑀字誤改也詳見

非古士獨說外來賓客閩本明監本毛本非下衍言字

此章非是異國耳閩本明監本毛本非作必案所改非也非當作自

○有女同車

鄭人刺忽之不婚於齊閩本明監本毛本同案序作昏正義作婚昏婚古今字易而說之也例見前考文古本序作婚誤采此

而忽不娶閩本明監本毛本同案序作取正義作娶取娶娶誤采此添忽字亦誤采此也下箋鄭人刺忽不取齊女小字本相臺本十行本皆不誤閩本以下亦誤為娶餘同此

獲其二帥閩本明監本毛本帥誤師

今以君命奔齊之急明監本毛本以誤之閩本不誤

明是在後妻者也明監本毛本者也誤之賢閩本不誤

何必實賢實長也明監本實皆誤貴閩本毛本不誤

曰雍始閩本明監本毛本同案浦鐘云姑誤始考左傳是也

佩有琚瑀所以納閒小字本相臺本同案女曰雞鳴正義引此傳瑀作玖見上考女曰雞鳴傳云雜佩珩璜琚瑀衝牙之類正義說之於字皆引說文而證其為佩則衝牙及珩引玉藻璜引列女傳瑀引此經唯瑀獨無所證故先引說文瑀玖石次玉後引丘中有麻云貽我佩玖而云然則瑀玖與瑀皆是石次玉玖是佩則瑀亦佩也若此傳作瑀則傳自有明證不當舍之而借玖為譬況矣作玖者是也

後世傳其道德也小字本相臺本其道作道其考文古本同案道字在其上者是也釋文以傳道

毛詩注疏卷之二

作音可證閩本明監本毛本亦誤在下又脫也字

此解鏘鏘之意

閩本明監本毛本同案傳及經皆作將將正義作鏘鏘易古字為今字而說之也例見前庭燎正義作將將當是未知者依經注改之耳

○山有扶蘇

所美非美然

唐石經小字本相臺本同案正義云皆是所美非美然字當是人字標起止云至美然後改也

扶蘇扶胥小木也

小字本相臺本同案釋文山有扶蘇下云扶蘇扶胥木也今考正義本亦然無小字也正義云毛以為山上有扶蘇之木又云毛以下章云山有喬松是木則扶蘇是木可知又云扶胥山木宜生於高山皆不言小木至說鄭乃始云小木又云箋以扶蘇是木之小者較然有別可證唯云傳言扶胥小木者毛當有以知之有一小字乃後人用經注本之有小字者誤添之耳段玉裁云毛云高下大小各得其宜高下謂山隰大

謂扶蘇松小謂荷龍正言以刺忽與鄭異鄭乃互易其大小耳呂覽及漢書司馬相如劉向楊雄傳枚乘七發許氏說文皆謂扶疏為大木許氏扶作扶古疏胥蘇通用

荷華扶渠也其華菡萏

小字本相臺本同案荷下華字衍也傳分說經荷華二字用爾雅文不應華字又錯見荷字解中正義云荷扶渠其華菡萏釋草文正無荷下華字是其本不誤○按非誤衍也說見鄭風清人

所美非矣

閩本明監本毛本矣作美案所改是也下文云此篇刺昭公之所美非美養臣失宜是其

山有喬松

唐石經小字本相臺本喬作橋閩本明監本毛本亦同案橋字是也釋文橋本亦作喬毛作橋其驕反王云高也鄭作稿苦老反枯稿也考正義本是橋字此經毛作橋以為喬之假借鄭亦作橋與毛字同但以爲稿之假借是其異耳釋文云毛作某鄭作某所謂某者指傳箋之義不以指經字之形經字之形毛鄭不容有異也箋云稿松在

三言海賦拾遺詩  
山上以爲假借不云讀爲直於訓釋中改其字也箋例每如此其釋文本亦作喬者乃依毛義改爲正字耳非毛鄭詩舊文也考文古本作喬采釋文亦作本

喬松在山上

小字木相臺本喬作橋閩本明監本毛本同案橋當作稿見上

紅草放縱枝葉於隰中

小字本同閩本明監本毛本同相臺本枝作支案枝字是也相臺本

取芄蘭經字非也

傳以喬松共文

閩本明監本毛本喬作橋下以明喬非木也不取喬游爲義同案喬字是也凡

正義說傳者例用喬十行本皆未誤此用毛義易字非正義本經作喬也

嫌爲一木

閩本明監本毛本不誤

此章直名龍耳

閩本明監本毛本同案浦鑑云草誤章是也

不應言橋游也今松言槁

閩本明監本同毛本槁作橋下明槁松喻無恩於大臣明

監本毛本皆作橋案槁字是也凡正義說箋者例用槁十行本多未誤唯不應言槁游也一字誤作橋耳  
下篇言昭公有狂狡之志  
閩本明監本毛本同案狂當作壯形近之譌

○釋兮

和者當汝臣

閩本明監本毛本當下有是字案所補是也

有君不以爲君

明監本毛本上君字誤臣閩本不誤

○狡童

使立突

閩本明監本毛本使誤所

○褰裳

欲大國以兵征鄭

毛本大誤人閩本明監本不誤

先鄉齊晉宋衛後之荆楚

小字本相臺本同案此定本也正義云齊晉本是諸夏大國與

毛詩注疏校勘記

卷二

三

鄭境接連楚則遠在荆州是南夷大國下文云其實大國非獨齊晉他人非獨荆楚也定本云先嚮齊晉宋衛後之荆楚也義亦通是正義本當無宋衛二字今正義作齊晉宋衛諸夏大國者誤下文又云而云告齊晉宋衛者此承定本之下因引春秋經有宋公衛侯遂并說義亦通耳與上文不同

可知此子不斥大國之君閩本明監本毛本同案浦鏗云可當何字誤是也

正可有親疏之異閩本明監本毛本可誤以

齊晉宋是諸夏大國閩本明監本毛本是作衛案此非也宋當作本詳見上

是為諸國不思正己閩本明監本毛本為諸誤謂侯

故箋之云他士猶他人閩本明監本毛本脫之字閩本明監本土誤事毛本不誤

其卿三命閩本明監本毛本三誤二

○丰

謂之婚姻閩本明監本毛本婚誤昏下同案此正義十行本唯昏時士昏禮昏字不從女是也其序注標起止皆作婚則婚者正義所易字

之黨為姻兄弟閩本明監本毛本之上有壻字案所補是也

謂婦為婚也閩本明監本毛本謂誤為

悔予不將兮小字本相臺本同案予字唐石經磨改其初刻字不可知矣

褻禪也毛本禪誤禪明監本以上皆不誤下同

士妻紂衣纁紉小字本相臺本同案此釋文本也釋文云紂側基反本或作純又作緇考士昏禮釋文是純如字讀訓為絲鄭未嘗破為紂也儀禮緇字甚多皆作緇無作紂者經為純字更審矣紂字在周禮媒氏注非此經之字也正義引士昏禮并注是其本當不誤今亦盡作紂用釋文改注又用注改正義也考文古本作緇采釋文又作本

毛詩注疏支功記 卷二 三



女從者畢袵元

閩本明監本毛本袵誤袵

○東門之墀

而相奔者也

各本此序無注釋文云此序舊無注崔集注本有鄭注云時亂故不得待禮而行考正義當亦無此注實非鄭注也集注誤耳

故名曰為刺也

閩本明監本毛本同案名曰當作各自形近之譌

東門之墀

唐石經小字本相臺本同案此定本也正義云徧檢諸本字皆作壇又云讀音曰墀蓋古字得通用也今定本作墀釋文云壇音善依字當作墀考此是釋文正義經字皆作壇注同唐石經以下依定本作墀

男女之際近而易

小字本相臺本同閩本明監本毛本同案正義云阪云遠而難則壇當云近而易不言而易可知而省文也是傳本無而易二字釋文於下易越始云以政反下同當是亦無此二字也各本皆行則姑薦在阪

則姑薦在阪

閩本明監本毛本同相臺本則下有如字考文古本同小字本作以案有如字者是也

壇坂可以喻難耳

閩本明監本毛本難下有易字案所補是也

則在東門外

閩本明監本毛本誤作則近在門外

○風雨

胡何夷說也

小字本相臺本同案正義云定本無胡何二字考文古本無采正義

○子衿

亂世則學校不脩焉

唐石經缺小字本相臺本同案釋文云世亂本或以世字在下者誤正義本今無可考

言可以校正道藝

小字本相臺本同案釋文上云學校戶孝反下云以校正音教是學校字當從本校正字當從才五經文字手部云校經典及釋文或以為比校字案字書無文此校字即張參所云也各本校正字從木誤毛本學校字亦從才更誤正義中字同此釋文有誤校作校者今正詳後考證

鄭國衰亂不脩校

閩本明監本毛本校上有學字案所補是也

故曰校也

明監本毛本日誤稱

衣皆謂之襟李巡曰衣皆

閩本明監本毛本同案浦鏗云皆誤皆考爾雅是也段玉

裁云作皆不誤皆猶交也衣皆謂衣領衣之交處也此當是李巡本獨得之他本作皆不可解乃字之誤耳

士佩璫珉

小字本相臺本同案釋文作璫而充反徐又作璫同說

文五經文字璫字皆在石部其作璫者後變而從玉耳凡璫聲之字多誤從需聲見廣韻廿八獮輓字下故又作本如此

○揚之水

被他人之言

閩本明監本毛本被作彼案所改是也

○出其東門

而輟高渠彌

閩本明監本毛本同案浦鏗云輟誤輟是也

如其從風

閩本明監本毛本同小字本相臺本其作雲案雲字是也

聊樂我貞

唐石經小字本相臺本同案釋文云我貞音云本亦作云正義云則可以樂我心云耳下文云云貞

古今字助句辭也是正義本作貞以貞為古字云為今字故易貞為云而說之自著其例如此也凡易字者依是求之而例可得矣又商頌景貞維河箋員古文云亦可證

縞衣綦巾所為作者之妻服也

小字本相臺本同案此所字上當有己字正義當本

云故言縞衣綦巾已所為作者之妻服也已謂詩人自己今正義脫去所上已字耳不然此箋更無己字其已謂詩人自己者安所指乎考文古本有己字采正義而得之者也

恩不忍斥之

小字本相臺本同考文古本同閩本明監本毛本恩誤思

有棄其妻

閩本明監本妻下有者字案所補是也

如雲之從風

閩本明監本毛本重雲字衍

青黑白碁

閩本明監本毛本同案浦鏗云日誤白是也

是心不忍絕也

明監本毛本是誤自閩本不誤

茶茅秀

小字本同岳本秀作莠釋文云秀或作莠音同劉昌宗周禮音莠音酉考正義本是秀字鴟鴞正義

引此箋作秀既夕釋文用茶下云茅莠地官釋文茅莠下云毛詩注作秀是字本不與二禮注同或作本正依二禮改耳考文古本作莠采釋文○案段玉裁云莠者魏晉以下俗字也謂依二禮改非是

說文云闔闔城曲重門

閩本明監本毛本同案此不誤浦鏗云曲說文作內非也說文

本作曲今說文誤耳九經字樣云闔闔城曲重門也可證

卽委菜也

閩本明監本毛本菜作葉案所改是也

六月云白旆英英

毛本英英誤央央閩本明監本不誤

出其東門二章

小字本相臺本同唐石經初刻無其字後改同今本案初刻誤也序有可證

○野有蔓草

下章首二句是也

閩本明監本毛本同案浦鏗云二誤下是也

零露漙兮

唐石經小字本相臺本同案正義云靈作零字故為落也詩經小學云案此則經本作靈露箋作靈

落也假靈為零字依說文則是假靈為霏考文古本溥作團采釋文也釋文云溥本亦作團徒端反團團然盛多也匡謬正俗所云詩古本有作水旁專者亦有單作專者後人輒改之為團字讀為團圓之團者卽謂此

清揚眉目之閒婉然美也

小字本相臺本同案經義雜記云此傳當云清揚婉兮眉目之

閒婉然美也下八字作一句讀以清為目之美以揚為眉上之美以婉兮為清揚之美婉婉然今傳中無婉兮字是嫌於訓清揚為眉目之閒矣此以經合傳時所刪

有蔓延之草

閩本明監本毛本同案蔓延當倒下文可證

毛詩注疏校勘記

卷二

三

鄭以仲春為媒月

閩本明監本毛本同案浦鏜云婚誤媒是也

野有蔓草三章

唐石經小字本相臺本三作二案二字是也閩本明監本毛本亦誤作三

○溱洧

士與合會溱洧之上

小字本相臺本與下有女字明監本毛本同閩本剝入案此脫也

渙渙春水盛也

小字本相臺本同考文古本同閩本明監本毛本脫春水二字案釋文渙渙下云春水盛也山井鼎用為證是也

士曰已觀乎

閩本明監本毛本同案浦鏜云乎當矣字誤是也

鄭國二十一篇

小字本相臺本同唐石經磨改廿一篇其初刻上為二十其下不能知矣

齊譜

季蒯因之

閩本明監本毛本同案山井鼎云蒯當作蒯物觀云宋板下季蒯作季蒯是也

其先祖世為四岳

閩本明監本毛本同案浦鏜云嘗誤世是也崧高正義引作嘗是其證

師尙父堪君多難

閩本毛本同明監本堪作甚案皆誤也考文王正義引作謀計居多此當與彼同

大公以元勳

毛本勳誤勛閩本明監本不誤案此勳字在周禮故書非正義所用餘同此

自武公九年

明監本毛本公誤王閩本不誤

止自胡公之所殺

閩本明監本毛本同案盧文弨云止自當作上距是也

故云敷土

閩本明監本毛本同案土當作定此說譜敷定九畿

甸服此周為王畿

閩本明監本毛本同案此當作比形近之譌

成王周公封東至海

閩本明監本毛本同案浦鏜云至非奄君名也疑在下成王節疏內

錯誤在此是也當以此成王起接管仲之言也下凡移百九十三字

在禹貢青州

閩本明監本毛本同案山井鼎云在禹上當有圈是也

澠水出今琅耶箕屋山

閩本明監本毛本同案此不誤浦鏗云漢志無屋山二字非也

今志誤脫耳說文澠字下有可證

與呂伋王孫牟

閩本明監本毛本伋作汲案此誤改也十行本此字作伋以下引顧命齊世家

則作汲各順其文耳

不言孝王者有大罪去國

閩本明監本毛本同案此當作不言孝王身有大罪于國

皆形近之譌譜序正義無身字于國作惡彼文多不與此同也

詩人作到

閩本明監本毛本同案山井鼎云到當作刺是也

昭暫若此

閩本明監本毛本同案山井鼎云暫恐暫誤

○雞鳴

故夫人興戒君子

閩本明監本毛本同案故當作無

故陳人君早朝

閩本明監本毛本同案人君當作夫人見第二章正義

皆陳與夫相警相成之事也

閩本明監本毛本同案陳當作是以上正義各本譌

舛不可讀今訂正

雞鳴思賢妃也至蒼蠅之聲

閩本明監本毛本同案此標起止有誤序有疏已在

上矣雞鳴思賢妃也六字不當更見於此依其常例但取經首末二字而已當云雞既至之聲

以雞既鳴知朝將盈

閩本明監本毛本同案十行本以至知剋添者一字

東方且明之時

小字本相臺本同閩本明監本毛本且誤早案正義云是東方且欲明之時即上雞

鳴時也可證考古本作旦字又云朱板同作旦者皆誤

鳳凰為之長

毛本為誤謂閩本明監本不誤

○還

還便捷之貌

小字本相臺本同案釋文便捷本亦作便旋正義本是捷字

併驅而逐禽獸

閩本明監本毛本同小字本相臺本禽作二案二字是也禽字誤

牡名驪牝狼

閩本明監本毛本牝下有名字案所補是也

○著

謂所以懸瑱者

閩本明監本毛本同小字本相臺本懸作縣案縣字是也釋文云以縣音元下同正義本當亦是縣字其自為文乃用懸字縣懸古今字易而說之之例也

人君以玉為

閩本明監本毛本同小字本相臺本為下有之字考文古本同案有者是也

楚語稱曰公子張

閩本明監本毛本同案曰當作白形近之譌

其又以繩為瑱

閩本明監本毛本同案此不誤浦鏗云規誤繩非也繩當訓為戒今韋昭注作

規不與正義所引本同也

士婚禮婿親迎

閩本明監本毛本婚作昏案所改是也餘同此

宜降以兩且此詩刺不親迎

閩本明監本毛本降下行殺字且誤耳

取其韻故耳

閩本明監本毛本韻下有句字案所補非也或言韻或言韻句一也

其物小耳

毛本小誤下閩本明監本不誤

箋尚猶至似瓊也

閩本明監本毛本脫也字

而云王之瑱兮

閩本明監本毛本同案此不誤下孫毓引同浦鏗云也誤兮非也說文瑱下引

玉之瑱兮可證案段玉裁云古尚書周易無也字毛詩周官始見各書所用也字本兮字之假借是也

青紱之青

毛本青下衍也字閩本衍○明監本誤空一字餘本不誤

天子用金

閩本明監本毛本同案浦鏗云全誤金是也

○東方之日

刺衰也

唐石經小字本相臺本同案釋文云本或作刺襄公非也正義云刺衰也與釋文同

有姝姝美好之子

小字本同相臺本亦同考文古本亦同

是有姝姝然美好之子靜女正義所引可證也今此正義兩言姝然其毛以為下一姝然不誤以傳本不重此字也其鄭以為下本是與箋文同作姝姝然因上有姝然遂誤脫之也閩本以下用以改箋非也各本亦脫去然字

傳月盛至門

閩本明監本毛本同案門下當有內字

○東方未明

東方未明三章

閩本明監本毛本脫未明二字

挈讀如挈髮之挈

閩本明監本毛本同案下二挈字浦鏗云絜誤挈考周禮注是也

東方未明當起也

閩本明監本毛本同案當上脫去一未字

不能辰夜

各本皆同案考文古本辰作晨誤也考此可見古本之多誤

矚為良士貌

閩本明監本毛本同案矚當作因

厯言晝夜者

閩本明監本毛本者誤考

夙早釋注文

閩本明監本毛本同案山井鼎云注當作詁是也

○南山

公謫之

閩本明監本毛本同小字本謫作謫相臺本作適案謫字是也釋文云謫直革反是箋字作謫也左

傳作謫正義引同順彼文耳十行本因改餘字皆作謫誤也相臺本作適更誤適是古假借字非箋所用五經文字云謫經典或從適又借適字為之乃包舉左傳詩北門禮記昏義等而言之者也○按漢人不必不用假借字讀兩漢書及漢人所著可證舊按非也

襄公使公子彭生乘公

小字本相臺本同案釋文云彭生乘繩證反一本作彭生乘公乘則

依字讀正義本今無可考段玉裁云左傳古本當是使公子彭生乘為句公薨於車為句俗本增一公字耳乘謂同車也

下章責魯桓

明監本毛本章上有二字閩本剗入案所補是也

大夫遇是惡

明監本毛本大上行故字閩本剗入

以姦淫之事

閩本明監本毛本姦作姦下同案五經文字云姦俗作姦訛正義多有之當是傳寫

作俗體耳

正謂手捉其脇而折拉然為聲

閩本明監本毛本折拉誤倒案此讀折字句絕

拉字下屬

經書三月夫人遜于齊

毛本三誤二閩本明監本不誤

於會防之正

閩本明監本毛本同案浦鏜云下誤正是也

意出於齊侯

毛本出誤正閩本明監本不誤

以襄公居尊位而失匹配

閩本明監本毛本同案十行本居至匹剗添者一字

言魯之道路有蕩然平易

閩本明監本毛本同案十行本路至平剗添者一字

以求配耦

閩本明監本毛本耦誤偶

五人為奇

小字本相臺本同案釋文云人奇居宜反是其本無為字也正義本今無可考但無者是也正義本當亦無其各本是淺人誤添耳

是服之最尊

閩本明監本毛本服誤物

奇天數矣獨舉五而言

閩本明監本毛本同案天當作大形近之譌也奇大數矣者謂

奇之數不止於五也

不宜以襄公往雙之云其數奇

閩本明監本毛本同案云當作六形近之譌也



六其數奇者謂從五人而六之則五人失其數奇也此正義各本譌舛不可讀今訂正○按此必有脫誤或作耦其奇數

又襄公止復文姜耳

閩本明監本毛本同案浦鏗云從誤復是也

種之然後得麻

小字本相臺本同案正義云今定本云重釋文不為重字作音當與正義本同

令至于齊乎

毛本令誤命明監本以上皆不誤

又非魯桓

小字本相臺本同閩本明監本毛本同案此又字衍也下章箋始云又非魯桓又者又此箋也正義於此章云責魯桓於下章云又責魯桓一無一有極為明晰

而至齊乎止

明監本毛本止誤上閩本不誤

卜於死者以足之

明監本足誤兄毛本誤見閩本不誤

正義曰釋詁文

閩本明監本毛本文誤云

正義曰釋詁文

閩本明監本文誤云毛本不誤

○甫田

言無德而求諸侯

閩本明監本毛本同小字本相臺本言上有箋云考文古本有亦同案有者是也

總角卯兮

小字本相臺本同閩本明監本毛本同唐石經卯作卅案各本皆誤唐石經是也見五經文字卅部

未幾見兮

唐石經小字本相臺本同案釋文云見兮一本作見之考釋文一本是誤本也詩之大體韻在辭上

者其韻下助句之字必同此章四句未悉是兮字不得此句獨為之字也所以致誤之由當以箋云見之無幾何故耳其實此箋之字不出於經也正義云未幾幾時而更見之末亦當有兮字見之字取於箋兮字順經文正義每如此今脫去耳未可即謂正義本作之字也韻下助字之同由漢廣思字推之則作正義者必知之矣不容誤也氓正義引作兮考毛詩注疏校勘記

言言語語  
文古本作之采釋文

卷二

突而弁兮

唐石經小字本相臺本同案正義云此言突若弁兮又云若猶耳也故箋言突耳加冠為成人猗嗟

婉變少好貌

毛本貌誤倪明監本以上皆不誤

言若者皆然耳之義

閩本明監本毛本同案此不誤浦鏗云抑誤言非也言若者三字下屬浦誤上屬讀之也此但舉突若頤若二若字與定本作而不同者其抑若則定本亦不作而故不及之○按當云皆然爾之義

○盧令

其環鈴鈴然為聲

閩本明監本毛本同案經傳作令令標起止云至今令然正義作鈴

鈴令鈴古今字易而說之也例見前

孟子謂梁惠王曰

閩本明監本毛本同案謂字當衍

怵怵然有喜色

閩本明監本毛本怵怵作欣欣案所改非也當是本作忻忻不與今孟子同故誤如此

鬢讀當為權權勇壯也

小字本相臺本同案詩經小學云五經文字權字注云從手作權古拳握字可知鄭箋從手非從木與說文引國語捲勇小雅拳勇字同今字書佚此字僅存於張參之書吳都賦覽將帥之權勇善曰毛詩無拳無勇拳與權同俗刻文選譌誤不可讀

○做笱

鰈大魚

小字本相臺本同案釋文云鰈毛古頑反大魚也鄭古魂反魚子也正義云是鰈為大魚也傳以鰈為大魚則以大為喻王肅言魯桓不能制文姜若做笱不能制大魚也段玉裁云說文鰈魚也蓋出於毛詩魴鱣鰈

毛詩注疏校勘記

卷二

三

皆魚名耳本無大字或加之以駁鄭魴已見周南故此單釋鰈

弊敗之笱

閩本明監本毛本同案經注作敝正義作弊敝弊古今字易而說之也例見前考此知縑

衣正義敝字亦皆本是弊字今但存縑衣若弊一弊字餘字作敝後人依經注改之而未盡也

初歸於魯國止

閩本明監本毛本止誤正下同

鰈魚子釋魚文

閩本明監本毛本同案鰈當作鯢下引李巡注可證又下云鯢鰈字異亦可證

或鄭本作鯢也

閩本明監本毛本同案鯢當作鰈謂或鄭之爾雅作鰈字也此與上鯢魚子鯢

鰈互易而誤如此

里革斷其罟

閩本明監本毛本里誤星

魚禁鯢鱗

閩本明監本毛本同案鱗當作鱗即鱗之別體字今國語作鱗此從重而者亦如隔作隰

輻作輻也

箋以一鰈若大魚

閩本明監本毛本同案一當作魴刊時字壞而如此

且魴鯢非極大之魚與鰈不類

閩本明監本毛本同案鯢當作既形近之譌

魴鱣大魚

小字本相臺本同案釋文魴鱣下云毛云大魚也以上章推之正義本亦如此段王裁云此當

云鱣魚也說詳上

亦文姜所使止

小字本相臺本同案正義云亦文姜所使今定本云所使出於義是也標起止云至

使止此箋當是定本有止字正義本無耳出是止字之譌標起止當是後改也

今其上下相充也

閩本明監本毛本同案浦鏗云今當令字誤是也

義亦同也

閩本明監本毛本此下尚有十九字同案山井鼎云釋文混在疏中當改正也是也

○載驅

疾驅於通道大都

唐石經小字本相臺本同案下正義云序言疾驅故云疾驅與驅音義同考釋文

毛詩注疏校勘記

卷二

七

云載驅本亦作駮薄薄下云疾駮聲也又駮載駮釋文云駮字亦作駮如字協韻亦音上是唐時凡經序驅字皆有作駮之本而正義本此一字作駮故特說之也五經文字云駮作駮訛依字書言之正義自爲文亦用驅十行本閒或作駮乃寫書人以爲別體取其省非正義所用

載驅薄薄 毛本駮誤馳明監本以上皆不誤

簞第朱鞞 唐石經小字本相臺本同案五經文字云鞞此說文字論語及釋文並作鞞今此釋文正作鞞正義引說文或其本作鞞而唐石經以下所從出也韓奕釋文亦作鞞

簞方文蓆也 閩本明監本毛本同小字本相臺本蓆作席案蓆字是也蓆大也在緇衣非此之用但俗體有加草者耳

以入魯竟 小字本相臺本同閩本明監本毛本竟作境案竟字是也釋文云竟本亦作境考正義本是竟字其自爲文則用境字易字之例也餘同此

輿革前謂之鞮 閩本明監本毛本同案浦鏜云報誤鞮下同是也

彼文革飾後戶謂之蔽 閩本明監本毛本同案盧文昭云當云革飾後戶謂之第竹飾後戶謂之蔽脫七字是也上文可證復出而誤耳

乘其一駟之馬 閩本明監本毛本乘誤盛

箋以爲齊子愷悌 閩本明監本毛本同案經注作豈弟標起止云至豈弟正義作愷悌豈愷弟悌皆古今字易而說之也例見前考文古本經作愷悌誤采正義所易之今字

○猗嗟

頎而長兮 唐石經小字本相臺本同案正義云若猶然也此言頎若長兮又定本云頎而長兮而與若義並通也釋文以頎而作音與定本同

然而美者其額上揚廣兮

閩本明監本毛本同案然上浦鏜云脫抑字是也

嗟是口之暗咀

閩本明監本毛本同案咀當作啞形近之譌暗啞見史記淮陰侯列傳索隱亦

作噫見集解

傳欲辨揚是眉

閩本明監本毛本傳誤專

趨今之吏步

閩本明監本毛本吏作捷是也

大夫二正士一正

小字本相臺本同案此定本也正義本當是大夫二正士二正正義引夏官射

人而云彼文大夫士同射二正今定本云大夫二正士一正誤耳各本皆沿定本之誤

未學者之所及

閩本明監本毛本同案浦鏜云未當未字誤是也

以射法治射義

閩本明監本毛本同案浦鏜云儀誤義是也

均布之以至於外畔也

明監本毛本均下行而字閩本剗入

量侯道者以弓為度

毛本度誤量閩本明監本不誤

司衣掌大射之禮云

閩本明監本毛本同案浦鏜云裘誤衣是也

有正者無鵠者無正

閩本明監本毛本同案浦鏜云無鵠下當脫有鵠二字是也

象其能禦四方之亂也

閩本明監本毛本同小字本相臺本無也字

二十四章

唐石經二十作卅小字本相臺本作三十毛本同案三十是也閩本明監本亦誤作二十

魏譜

都平陽或安邑

閩本明監本毛本平誤子

乃底滅亡

閩本明監本毛本底誤底下底柱同

故言周以封同姓子

閩本明監本毛本同案子當作云形近之譌

寘諸河之干兮

閩本明監本毛本同案此不與今地理志同

毛詩注疏卷之二

不可知凡閩本明監本毛本同案浦鏜云凡當作也字誤是也

止此詩並刺君閩本明監本毛本止作也案皆誤也止當作但字之壞耳

○葛屨

而無德以將之小字本相臺本同唐石經初刻之下有也字後磨去

葛屨二章明監本毛本二誤三閩本不誤

反覆儉嗇徧急閩本明監本毛本同案浦鏜云覆當復字誤是也

機巧趨利者章上四句是也閩本明監本毛本同案者當作首形近之譌

亦是趨利之士也閩本明監本毛本土作事案所改是也篇內同

故箋採下章閩本明監本毛本同案浦鏜云採當採字誤是也

要褻也段玉裁云古本當作要褻也謂此要字即衣之要也衣之要見於喪服士喪禮玉藻深衣諸篇字無

作褻者以本字為訓此易傳蒙者蒙也比者比也剥者剝也說文已巳也北風傳虛虛也之例淺人不能通故北風與此二傳皆妄改

褻領也小字本相臺本同案領上當有衣字釋文褻下云衣領也正義云要是裳褻則褻為衣領說文亦云

亦者即亦傳也說文褻下引詩此句是正用傳文傳上云

要褻也以上經已見裳字故不復言裳褻也此傳云褻衣

領也以經更無衣字故須言衣以顯之也各本脫衣字失

傳旨矣當正之○案褻領皆統於衣不得分褻為裳領屬

衣正義云褻為裳褻此語陋甚是未考律禮禮記衣服之

制

好人好女手之人小字本相臺本同案此定本也正義本無下好字正義云上云女手此云好人

故云好人女手之人今定本云好人好女手之人者義亦

通

國家靡幣閩本明監本毛本同案幣當作弊形近之譌

君子不履絲屨者

閩本明監本毛本履誤屨

雖復與禪同

閩本明監本毛本同案浦鏗云復誤復考儀禮釋文浦校是也

要是裳褱

毛本褱誤要閩本明監本不誤案此正義上

則襯為衣領

閩本明監本毛本同案襯當作褱

○汾沮洳

其君儉以能勤

唐石經小字本相臺本同案釋文云其君子一本無子字正義云其集注序云君子儉以

能勤案今定本及諸本序直云其君義亦得通考文古本有采釋文正義

雖然其采莫之士

小字本相臺本土作事閩本明監本毛本同案事字是也士乃誤字其誤與葛

屨正義內同當時寫書人往往以士代事此絕不可通閩本以下開仍之亦誤

○園有桃

興也園有桃其實之殺

閩本明監本毛本同小字本相臺本殺作食案食字是也此傳以食

解殺非復舉經文正義說箋云明食桃為殺正用傳

不我知者

唐石經小字本同相臺本作不知我者閩本明監本毛本同案相臺本非也箋倒經作不知我者正

義依之耳不可據以改經下章同

夫人謂我欲何為乎

小字本相臺本同案正義云今定本云彼人不云夫人義亦通也釋文云

夫人音符與正義本同

箋云知是

閩本明監本毛本同小字本相臺本知作如考文古本同案如字是也

以自止也

小字本相臺本同考文古本同閩本明監本毛本止誤正十行本初刻止後剗改作正案止字

是也正義云蓋欲亦自止勿復思念之可證

又言從君之行儉而嗇

閩本明監本毛本同案浦鏗云從當彼字誤是也

是稅三不得薄也

閩本明監本毛本同案三當作一

非徒薄於十

閩本明監本毛本同案十當作一

○陟帖

國迫而數侵削

唐石經小字本相臺本同案此定本也正義云今定本云國迫而數侵削義亦通也下云

箋以文承數見侵削是正義本數下有見字考釋文云國迫而數侵削本或作國小而迫數見侵削者誤正義本當即或作本也葛屨序正義云以下園有桃及陟帖序皆云國小而迫日以侵削乃引此就園有桃序耳考文古本作國小迫而數見侵削采釋文但誤倒而迫二字

猶司寇亡役諸司空

閩本明監本毛本同案亡當作云形近之譌

止者謂在軍事作部列時

小字本相臺本同閩本同明監本毛本止作上案上字是也正義云

若至軍中在部列之上又說箋云此變言上又云明在軍上為部分行列時也標起止云箋上者皆可證山井鼎云

按疏作上為是

○十畝之間

桑者閑閑兮

唐石經小字本相臺本同案釋文云閒閒音閑本亦作閑正義標起止云傳閑閑正義本與釋

文亦作本同

又云遂上地有菜五十畝

閩本明監本毛本同案浦鏜云萊譌菜是也

○伐檀

徑言徑涎也

閩本明監本毛本同案涎當作涎形近之譌爾雅釋文可證

猶似闇主常多

閩本明監本毛本似誤以

揚子云有田一廛

閩本明監本毛本同案浦鏜云雲誤云非也此語出揚子自序

其雌者名糺糺乃刀反

毛本糺誤糺閩本明監本不誤案爾雅釋文云糺字又作糺同



是作獯者誤

今江東通呼貉為狝狝

閩本明監本毛本同案浦鏗云狝狝誤狝狝引證爾雅釋文狝

鳥郎反狝山東反是也

獸三歲曰特

小字本相臺本同案正義云獸三歲曰特毛氏當有所據不知出何書盧文弨云齊傳曰

三歲曰肩幽傳曰三歲曰豨矣則此傳三當作四廣雅之所本也段玉裁云鄭司農注周禮云三歲為特四歲為肩與毛互異肩豨同字耳今考騶虞正義引此傳亦作三歲云蓋異獸別名故三歲者有二名也

故今古數言之

閩本明監本毛本同案今當作合形近之譌

其雄鵠牝庫

閩本明監本毛本鵠誤鵠

入其門則無人焉

閩本明監本毛本同案此公羊本作則無人焉門者何休注可證正義所

引亦然不知者誤去下門者二字耳今公羊焉字誤在門字下更非

鄭以為魚食餼

閩本明監本毛本同案食當作餼之二字

不得與不素飧相配

閩本明監本毛本同案浦鏗云餼當餐字誤是也

碩鼠

曾無教令恩德來顧眷我

小字本相臺本同案依正義當作眷顧各本皆誤倒也

關西呼齧音瞿鼠

閩本明監本毛本同案呼至瞿十行本刻添者一字必音瞿二字初刻旁

行細書而兩字相並後改入正文故如此耳山井鼎云鼠字當在齧下非也爾雅釋文作齧將略反引沈旋作齧音求于反此同沈也○按音瞿二字郭語也非疏家語

及卿大夫職

閩本明監本毛本同案浦鏗云鄉誤卿是也

或郊民入徙國中

毛本入誤人閩本明監本不誤

誰之永號

唐石經小字本相臺本同案釋文云咏本亦作永同音詠歌也正義本是永字此箋云永歌也乃讀

毛詩注疏交勅記

卷二

早

永為咏不改其字者以為假借也正義本為長釋文本作咏當是因箋并改經字考文古本作詠采釋文耳

言往釋皆歌號

此誤也釋當作矣首章正義云言往矣將去汝往矣二字本箋此亦同物觀考文補遺所載作者就彼所見本而言也

樂記及關雎矣

此誤也矣當作序十行本欲剗上文從矣之矣誤入於此山井鼎云宋板磨滅就彼所見本而言也

魏國七篇十八章百二十八句

唐譜

以此封君

是也南有晉水

恒山在故縣上曲陽西北

閩本明監本毛本同案浦鏜云若誤君是也

湯湯洪水方害

閩本明監本毛本同案此不誤浦鏜云割同字思文正義引作割或後人改之○按此以詁訓字代其本字非所見尚書有異本也

既稷播奏庶艱食鮮食

閩本明監本毛本同案盧文昭云左氏父作公是也鷓羽正義引正作公

此誤

頃父之子嘉父

閩本明監本毛本頃誤須

○蟋蟀

以禮自娛樂也

閩本明監本毛本同案序作虞正義作娛虞娛古今字易而說之也例見前考

君之好義

閩本明監本毛本同小字本相臺本義作樂考文古本同案樂字是也

三詩生流交勘記

卷二

四

則歲未爲暮

閩本明監本毛本同案經作莫正義作暮莫暮古今字易而說之也例見前餘同此

○山有樞

弗擊弗考是也

毛本擊誤鼓閩本明監本不誤

山有樞

唐石經小字本相臺本同案釋文云樞木或作菴烏侯反莖也爾雅釋木菴莖釋文菴烏侯反詩云山有

樞是也本或作菴同考漢石經魯詩殘碑作菴說文艸部菴下云草也不以爲菴莖字是毛氏詩作樞也爾雅加艸於首所以別戶樞字耳漢書地理志山菴亦然其實毛詩不作菴釋文或作本非也亦不作菴故說文艸部木部皆無菴字也

失其聲耳

明監本失誤者閩本毛本不誤

華如練而細

閩本明監本毛本同案此不誤浦鏜云棟誤練非也練卽棟字耳○按疏家不用假

借字作棟是

藥正白蓋樹

閩本明監本毛本同案此不誤浦鏜云蓋下脫此字非也蓋樹二字爲一句言華之

盛多掩蓋其樹也

共汲山下人

明監本汲誤及閩本毛本不誤

弗洒弗埽

唐石經小字本相臺本同閩本同明監本毛本埽作掃案埽字是也

弗鼓弗考

唐石經小字本相臺本同案正義云今定本云弗鼓弗考注云考擊也無亦字義並通也釋文云弗鼓如字本或作擊非正義本與或作木同

考擊也

小字本相臺本同案此定本也正義本考下有亦字亦者亦經弗擊也見上標起止云傳洒灑考擊當脫亦字或後人誤去之也

謂得已樂以爲樂

閩本明監本毛本謂誤爲下謂得已之安同

何不日日鼓瑟有飲食之

閩本明監本毛本有作而案所改非也有當作自形近之

譌

○揚之水

沃盛強 閩本明監本毛本同唐石經小字本相臺本強作疆案疆字是也疆雖可通用強而正義本用疆字今正義中間有強字者寫書人省而亂之耳餘同此

昭公分其國地 明監本毛本地誤也閩本不誤

沃國日以盛疆 明監本沃誤氏閩本毛本不誤

始兆亂矣 明監本兆誤比閩本毛本不誤

其能久乎 明監本乎誤矣閩本毛本不誤

鑿鑿然鮮明貌 小字本相臺本同閩本同考文古本同明監本毛本脫然字

激流湍疾 小字本同閩本明監本毛本同相臺本激作波考文古本同案波字是也正義言激揚之水波

流湍疾是其證

使白石鑿鑿然 小字本相臺本同閩本同考文古本同明監本毛本脫使字

知諸侯當服之也中衣者 閩本明監本脫中字毛本脫也字

詩云素衣朱襮 閩本明監本毛本素誤表

於此綃上刺為繡文 閩本明監本毛本同案繡當作黼

白石皓皓 小字本相臺本同唐石經初刻同後磨改作皓案皓字是也說文白部無皓字是皓字本從日也廣韻三十二皓亦無皓字釋文當本作皓今誤見後考證

白石粼粼 唐石經小字本相臺本同閩本明監本毛本粼誤鄰案今釋文亦有誤者詳後考證

○椒聊

碩謂壯貌佼好也 小字本相臺本同閩本明監本毛本同案段玉裁云正義云故以碩為壯佼貌是正義本作壯佼貌壯佼二字疑鄭本用月令文而後人亂之壯佼又見萇楚箋

條長也

小字本相臺本同案正義云尚書稱厥木惟條謂木枝長故以條為長也其說非也此傳以長訓條乃謂條為脩之假借古字條脩相通如漢書脩侯之比考箋云椒之氣日益遠長是此經遠條二字皆以氣言之不以枝言之也下章同考文古本改經二條字皆作脩乃依長也之訓而為之耳非有所本此經自正義及唐石經以下各本皆作條也

彼已是子謂桓叔

閩本明監本毛本已誤其案此正義以已說其耳故與經字不同考文古本經其作已采此而誤又謂衍字也彼已是子桓叔六字為一句正義文例如此猶日月正義云今乃如是人莊公之類

得美廣大

閩本同明監本毛本得作德案所改是也

郭璞曰菜萁子

閩本明監本毛本菜誤菜案浦鏜云萁誤萁從爾雅音義校萁所留反是也

碩大且篤

唐石經小字本相臺本同閩本明監本毛本碩誤實

言聲之遠聞也

小字本相臺本同案段玉裁云聲當作馨此欲以馨訓條也今考此章條與上章同皆訓長為脩字之假借非有異也不宜更為之訓此傳言聲之遠聞也乃篇末揔發一篇之傳謂此椒聊詩乃言桓叔聲之遠聞也篇末揔發傳毛氏每有此例如采蘋木瓜之屬是矣此傳毛當有所案據自作正義時已無文以言之後遂專繫諸第二章遠條且一句而疑其有所不可通也○按說文云馨香之遠聞也正與此合蓋上章作脩此章作條後人亂之耳條取芬芳條暢之義

○綢繆

若薪芻待人事

小字本相臺本芻作芻閩本明監本毛本亦同案芻字是也釋文正義皆可證唯十行本作芻乃沿經注本俗體字耳

鄭差次之

閩本明監本毛本鄭誤卻

又哀十二年左傳云

閩本明監本毛本二誤一

妻謂夫為良人

毛本為誤謂閩本明監本不誤

斥嫁取者

小字本相臺本同案嫁衍字也此但刺取者不刺嫁者故下文云子取後陰陽交會之月也正

義亦可證

謂之五月之末

閩本明監本毛本同小字本相臺本謂下無之字考文古本同案無者是也

有一妻二妾也

明監本毛本二誤一閩本不誤

○杖杜

有杖之杜

唐石經小字本相臺本同案釋文云杖本或作夷狄字非也考此六朝時河北本也其江南本木傍施大不誤見顏氏家訓

杖特貌

閩本明監本毛本同小字本相臺本特下有生字案此十行本無者是也釋文杖杜下云特貌顏氏家訓引江南本傳亦無生字正義云言有杖然特生之杜者是自為文取下有杖之杜篇箋文為說耳非此傳有生

字也考彼箋乃本彼經生于道左而言之則此傳不應有明矣考文古本有采正義○按說文杖木特貌正本毛傳

湑湑枝葉不相比也

小字本相臺本同閩本明監本毛本亦同案比下當有次字此傳比次即

取經胡不比焉胡不飲焉之文也釋文湑湑下云不相比次也是其本有次字正義云傳於此云湑湑枝葉不相比標起止云至相比或因經注本無次字而誤去之耳其餘仍多言比次也考文古本次字采釋文

以菁菁為稀少之貌

閩本明監本毛本同案下箋作希此正義作稀希稀古今字易而說

之也例見前

希少之貌

小字本相臺本同閩本明監本毛本希誤稀案此不知正義易字而誤依之改也

故知同姓為同祖也

閩本明監本毛本知誤云

○羔裘

晉人刺其在位

唐石經小字本相臺本同案正義云俗本或其下有君衍字定本無君字是也考文古本

有采正義

祛袂也小字本相臺本同案釋文祛下云袂末也正義云此解直云祛袂定本云祛袂末與禮合釋文本與定本同下傳云本末不同正義云以裘身為本裘袂為末是也無取於袂為本祛為袂末當以正義本為長見段玉裁毛詩詁訓傳注

又曰袂尺二寸

閩本明監本毛本同案浦鏗云祛誤袂是也又下袂口也不誤浦并改之則非

不應得有故亂舊恩好

閩本明監本毛本同案浦鏗云亂疑衍字是也上文兩言故舊

恩好可證

○鴉羽

君子下從征役

唐石經小字本相臺本同案正義云言下從征役者又云定本作下從征役如其所言不為有異當有異也釋文云政役音征篇內注同或定本作政字也考周禮小宰聽政役以比居注云政謂賦也凡其字或

作正或作征以多言宜從征如孟子交征利云此序字與彼同考文古本作政采釋文

逐翼侯于汾隰

明監本毛本隰誤溼閩本不誤

積者根相迫迮梱致也

小字本同閩本明監本毛本同相臺本梱作捆案梱字非也梱者梱字之借又釋文云致直置反下同正義云定本緻皆作致是正義本此箋及下傳箋致致皆作緻也考說文糸部本無緻字徐氏新附字有之鄭考工記注云積致也亦不從糸當以釋文定本為長下傳致致閩本以下作緻依正義改耳以後致字同此

其殼為汁

閩本明監本毛本同案浦鏗云斗誤汁是也下多言杼汁誤同

監與蠱字異義同

明監本毛本與誤為閩本不誤

曷其有常

唐石經以下各本同唯相臺原刻作有其誤

○無衣

毛詩注疏

卷二

晨

毛詩注疏卷二  
刺晉武公也閩本明監本毛本同唐石經小字本相臺本刺作美考文古本同案正義云美晉武公也所以美之者又云而作是無衣之詩以美之又云美其能并晉國作美者是也上文譜正義云無衣有杖之杜則皆刺武公者誤

豈號奉使適晉

閩本明監本毛本號下有公字案所補是也

心未自安

小字本相臺本同閩本明監本同考文古本同毛本未作不案心未自安者承上箋謂七章之衣晉舊有之矣但未自安耳正義云心不自安乃自爲之不當依以改箋

安且燠兮

唐石經小字本相臺本同案釋文云奧本作燠正義標起止云傳燠煖也是正義本作燠小字本相臺本同案釋文云奧本作燠小字本相臺本同案釋文云奧本作燠小字本相臺本同案釋文云奧本作燠

作奧經中用字不畫一之例考文古本作奧采釋文

○有杖之杜

言武公專任己身

閩本明監本毛本任誤在

皆可求之我君所閩本明監本毛本同小字本相臺本求作來案來字是也正義云皆可使之適我君之所此來之義也

君當忠心誠實好之

閩本明監本毛本忠作中案所改是也

○葛生

二年傳云

閩本明監本毛本二誤三

域營域也

閩本明監本毛本同小字本相臺本營作塋案此十行本營字是也營即塋之借字耳

故極之以盡情

小字本相臺本極下有言字閩本明監本毛本同考文古本無極字案此十行本無言字者是也小大雅譜云要於極賢聖之情是其證

婦人專一

閩本明監本毛本同小字本相臺本一作壹案壹字是也

○采芩



以獻公好聽用讒之言

明監本毛本讒下有人字闕本剋入案所補是也

人之爲言

唐石經小字本相臺本同案此釋文本也正義云人之詐譌之言又下文盡作偽言是其證又云主

肅諸本作爲言定本作爲言此引定本以證其同也釋文云爲言于偽反或如字下文皆同本或作偽字非考沔水民之訛言箋云訛偽也言時不令小人好詐偽爲交易之言正月人之訛言箋云訛偽也人以偽言相陷入其訛言卽此經之爲言也古爲偽訛三字皆聲類所近用作假借用作詁訓其理一也作爲則當讀作偽耳箋不云讀作者其於假借例有如此者也正義本定本乃依正字釋文讀于偽反及如字又云本或作偽字非其說皆未諦考文古本作爲下文注同皆采正義○按鄭箋云謂爲人爲善言上爲字去聲下爲字平聲讀之然則經文爲字不當作偽爲者作也造也王風傳云造爲也

爲言謂爲人爲善言

小字本相臺本同案釋文云爲言謂爲人並于偽反若經文依字讀則此

上爲字亦依字正義本經作偽言此箋當亦作偽言下二爲字雖無明文但以經推之當是作爲人爲善言其爲人

讀于偽反偽善言卽複舉經字也

欲使見進用也

相臺本同闕本明監本毛本同小字本無也字

毛詩注疏校勘記

卷三

三

Blank area with faint vertical lines, likely a table or grid for annotations.

毛詩注疏校勘記卷三

起二十一盡三十臣

阮元恭撰

秦譜

正義曰鄭語云

閩本明監本毛本云誤公

僉曰益哉

毛本僉誤禽閩本明監本不誤段玉裁云禽乃禹之誤古文尚書作禹詳見尚書撰異

實鳥谷氏

閩本明監本毛本同案此不誤浦鏗云俗誤谷非也當是正義所見秦本紀如此

有子曰女妨

閩本明監本毛本同案此不誤浦鏗云防誤妨非也漢書人表作女妨當是正義所見秦本紀亦如此

大凡生大維

閩本明監本毛本同案此不誤浦鏗云駱誤維非也人表作大維當是正義所見秦本紀亦如此

翳之變風始作

閩本明監本毛本同案此不誤浦鏗云秦誤翳非也案譜於其餘每稱國於此

毛詩注疏校勘記

卷三

一

易秦言翳者以其言秦則嫌似秦之政衰而變風始作也衛譜云衛國政衰變風始作餘國從上而同可知也唯鄭首緇衣亦不易其文者對上檜而言又作故耳

西戎滅犬丘大雒之族

明監本毛本犬誤大閩本不誤

池謂靡池

閩本明監本毛本上池字誤地

東拓土境

閩本明監本毛本丈誤上

不須便言其西

閩本明監本毛本便作復案皆非也此更字之誤

是秦自德公已後常雍也

閩本明監本毛本常下行居字又毛本德後誤互閩本明

監本不誤

故鄭於左方中

明監本毛本於誤在閩本不誤

故蒹葭蒼蒼之歌

閩本明監本毛本故下行有字

車鄰駟驥小戎之歌

閩本明監本毛本驥作鐵案鐵字是也餘同此詳本篇山井鼎云上

○車鄰

此美秦初有車馬待御之好

閩本明監本毛本秦下有仲字案所補是也

天官寺人掌王之內人

明監本毛本官誤子閩本不誤

止其御曰

閩本明監本毛本止誤上

○駟驥

駟驥美襄公也

小字本相臺本同唐石經初刻鐵後改驥經駟驥孔阜同案釋文云駟驥田結反又吐結

反驥驪馬也考說文驥馬赤黑色从馬載聲詩曰四驥孔阜是毛氏詩作驥釋文本與許合也正義本當是鐵字鐵為驥之借如鴉為馬之借而石經初刻依之上譜正義及騶虞車攻吉日等正義多引作鐵是其證此篇經注正義十行本盡

作賦必合併時人以經注改正義字故即正義所云鐵者言其色黑如鐵者亦盡改為鐵而不可通矣閩本明監本與十行本同毛本依譜正義改為鐵

秦始皇附庸也小字本相臺本同案正義云本或秦下有仲衍字定本直云秦始皇附庸也考文一本作秦

仲始為附庸也采正義而又有誤

於園於囿皆有此樂毛本二於字誤于閩本明監本不誤案凡正義所有于字或順經順

注及引他書而順彼文也其自為文則例用於字互相錯亂者皆非餘同此

言襄公親賢也小字本同閩本明監本毛本同相臺本無也字

冬獵曰狩釋言文閩本明監本毛本同案浦鏗云天誤言是也

正義曰釋詁文閩本明監本毛本文誤云

異義戴禮戴毛氏二說閩本明監本毛本同案浦鏗云上戴字當載字之誤是也

釋訓云暴虎明監本毛本訓誤詁閩本不誤

國狗之齧閩本明監本毛本同案浦鏗云瘕誤齧是也

○小戎

作者敘外內之志相臺本同小字本外內作內外閩本明監本毛本同案作內外者非也正義可證

是矜為夸大之義也明監本毛本義誤大閩本不誤

束有懸錄相臺本同閩本明監本毛本同小字本錄下有也字

游環鞞環也小字本相臺本同案此正義本也正義云游環者以環貫鞞游在背上故謂之鞞環也釋

文云斬環居鞞反本又作鞞沈云舊本皆作斬斬者言無常處游在鞞馬背上以鞞馬外轡貫之以止鞞之出左傳云如鞞之有斬居鞞反無取於鞞也戴震段玉裁皆以釋文本為長正義本誤與下箋鞞之環字相亂非也又云定

本作為鞞環如其所言不為有異當是定本作鞞環

慎駕具小字本相臺本同案釋文云慎或作順義亦兩通正義云愛慎乘駕之具也是作慎字

陰揜軌也小字本同相臺本軌作軌閩本明監本毛本作軌案軌字是也

騏騏文也小字本相臺本同案當作騏騏文也正義云色之青黑者名為騏騏名為騏知其色作騏文考

此則正義本作騏騏文也以騏騏訓之法也釋文云騏騏文也尸鳩傳同騏騏亦曰蒼騏曰騏此皆以騏釋

騏下騏即騏字蒼者蒼艾色見出其東門傳矣說文所本也而此等字皆不作蒼者毛時習用騏字謂蒼艾色為騏

色故尚書騏弁曹風其弁伊騏皆謂蒼艾色也此等傳以騏釋騏正如北風傳以虛釋虛葛履傳以要釋要正是一

例謂此馬名騏者以其騏文也詁訓之學必於古今字求之縞衣綦巾周人古字騏文騏弁漢人今字鄭風作綦曹

風作騏字不必畫一也

五檠是轅上之飾閩本明監本毛本同案十行本上之飾剗添者一字是誤衍之字也

衡高八尺七寸也閩本明監本毛本衡上行則字

為衡頸之閒也明監本毛本衡誤馬閩本不誤

今驂馬之引閩本明監本毛本同案當作令驂馬引之此正義以引說鞞也

兩軌又馬頸者閩本明監本毛本同案浦鏗云邊又誤軌又以左傳釋文正義所引考之浦校

是也

此說兵車之飾明監本毛本說誤設閩本不誤

所以蔭蓋也閩本明監本毛本同案浦鏗云蔭蓋以釋名考之浦校是也

鍔沃也治白金閩本明監本同毛本治作治案所改是也

馬後右足白驤左白鼻閩本明監本毛本右誤左白鼻上衍足字山井鼎云宋板與爾

雅合是也

詩注疏

卷三

左足白曰鼻閩本明監本毛本左誤右案十行本足白

續密以粟閩本明監本毛本以誤而

温其如玉有五德也明監本毛本誤重玉字閩本刻入

沈文又云閩本明監本毛本同案沈當作彼形近之譌

何以然了不來小字本相臺本同考文古本同閩本明監

於何以然斷句正義云何爲了然不來乃誤耳明監本毛

此四牡之馬何等毛色明監本毛本脫馬字閩本有

駟馬白腹駟閩本明監本毛本駟上行曰字案此無曰

蒙龐也小字本同閩本明監本毛本同相臺本雁作龐案

江反○按依說文則龍者正字雁者假借字相臺本不誤

進矛戟者前其鏃明監本毛本鏃誤鏔閩本不誤

取其罇地閩本明監本毛本同案此不誤下取其鏃地

注自如此今本作也誤耳山井鼎禮記考文可證

干櫓之屬明監本毛本干誤十閩本不誤

說狄虺彌閩本明監本毛本虺誤虎

弟子職曰執箕膺搗明監本毛本箕誤其閩本不誤案

併考是也今考管子作搗鄭注曲禮引此文正義本作

搗釋文本作葉又少儀云執箕膺搗士冠禮面葉注占

儀禮注亦有誤作搗者○按段玉裁云搗乃搗之誤搗

或作搗譌作搗葉亦謂之櫓古字鼯聲與葛聲相互亦

詩注疏

卷三

五

○蒹葭

國家待禮然後興

小字本相臺本同考文古本同閩本明監本毛本國上行興字

蒼蒼然疆盛

小字本同閩本明監本毛本同相臺本無盛字案有者是也

順禮求濟

小字本相臺本同案此定本也正義云定本未濟作求濟義亦通也標起止云傳順禮未濟又

上文皆可證

青徐州人謂之蒹

閩本明監本毛本蒹誤兼

可以為曲簿

毛本同閩本明監本簿作薄案簿字是也簿見廣韻宋時或用此字其說文方言廣

雅等皆用簿字今廣雅亦誤簿此當與同

其實白露初降

閩本明監本毛本露誤霜

已任用矣

閩本明監本毛本任誤在

使之周禮

明監本毛本之誤知閩本不誤案淵當作用形近之譌

所謂是知周禮之賢人

閩本明監本所誤皆

故下句逆流順流喻敬順

明監本毛本順下更有不敬順三字閩本刻入案所補非

也此際栝箋意故畧去不敬順耳不必加三字以分詁逆流也

蒹葭萋萋

閩本明監本毛本同唐石經小字本相臺本萋萋作淒淒案釋文云萋萋本亦作淒正義本今無可考

未已猶未止也

小字本相臺本同案段玉裁云此猶字衍

取其與淚汔為韻

明監本毛本脫與字閩本有

○終南

以戒勸之

小字本相臺本同唐石經初刻之下有也字後磨去閩本明監本毛本亦無

錦衣采色也小字本相臺本同案正義云錦者雜采爲文故云采衣也是正義本色當作衣考文古本作衣乃采正義耳

狐裘朝廷之服相臺本同閩本明監本毛本亦同小字本服下有也字

渥厚漬也小字本相臺本同案此正義本也正義云赫然如厚漬之丹釋文渥丹下云渥漬也又云渥之

純反又如字本或作厚是正義本與或作同考文古本作渥采釋文

人君以盛德之故有顯服閩本明監本毛本故下有宜字案所補是也

有大山古文以爲終南閩本明監本毛本同案大下浦鏗云脫壹字是也

梅相釋木云閩本明監本毛本同案浦鏗云文誤云是也

梅樹皮葉似豫樟豫樟葉大如牛耳閩本明監本毛本同案盧文昭云豫

樟不應複爾雅疏無其說誤也陸疏自此下皆說豫樟因毛詩更無豫樟故就梅下說之至相葉大可三四葉

一藜以下乃更說梅也爾雅疏誤

雜采爲文閩本明監本毛本采誤綵下同

鄭於方記注云閩本明監本毛本同案浦鏗云坊誤方是也

在朝君臣同服明監本在誤有毛本初刻同後因改上文方作坊而誤刻在作坊閩本不誤

及受鄰國之聘明監本毛本及誤乃閩本不誤

有紀有堂唐石經缺小字本相臺本同案釋文紀字云本亦作紀正義云集注本作紀定本作紀標起止云傳

紀基是正義本與定本同紀是山有草木字集注當誤

堂畢道平如堂也小字本相臺本同案此定本也正義云定本又云畢道平如堂下文云因解傳

畢道如堂是正義本此傳當無平字段玉裁云定本非也此自兩崖言之故爾雅云畢堂牆若平如堂則自道言之矣



箋云畢也堂也小字本相臺本同案段玉裁云畢也當作基也考正義云今箋唯云畢也堂也止釋經之有堂一事者云云是正義本已誤遂為之遷就其說也

○黃鳥

璇環其左右曰殉

閩本明監本毛本璇誤璇

當是後有為之

閩本同明監本毛本有作主案所改非也有當作君形近之譌

黃鳥以時往來得其所

小字本相臺本同考文古本其字亦同閩本明監本毛本脫

慄慄懼也

閩本明監本毛本同小字本相臺本慄慄作慄慄考古文本同案慄慄是也

皆為之悼慄

毛本為誤謂明監本以上皆不誤

以求行道若不行

閩本明監本毛本重道字案所補是也

左傳作子輿輿車字異義同

閩本明監本毛本同案此不誤浦鏗云左傳亦作子

車唯本紀作子輿非也正義所引左傳自如此不與杜氏同耳

箋以仲行為字者

閩本明監本毛本以誤云

○晨風

駝彼晨風

閩本明監本毛本同小字本相臺本駝作駝唐石經作駝案駝字是也釋文尹橘反采芑經同沔水

經不誤

駝疾如晨風之飛入北林

閩本明監本毛本同相臺本駝作駝小字本作駝案駝字是也

考此字說文在新附中而廣雅已有之皆作駝玉篇廣韻皆作駝釋文此及二子乘舟同乃失去一畫耳

穆公由能招賢之故故賢者疾往

明監本毛本同案十行本之至疾剡添者

一字

據作者所見有此林也

毛本此誤北閩本明監本不誤

毛詩注疏卷三

但箋傳不然 閩本明監本毛本然誤言

一名山梨 明監本毛本梨下行也字閩本剗入

○無衣

我與女共袍乎

閩本明監本毛本同小字本相臺本共作同考文古本同案同字是也

以興明君能與百姓樂致其死

閩本明監本毛本百姓下更有同欲故百姓五

字案所補是也

緼謂今纈及舊絮也

明監本毛本及誤乃閩本不誤

諸侯不得專輒用兵

閩本明監本毛本專誤事

陳其號令之辭

明監本毛本號誤傳閩本不誤

釋蓑衣近汗垢

相臺本同閩本明監本毛本同小字本釋作澤案澤字是也釋文云澤如字毛澤潤

澤也鄭褻衣也說文作禕云袴也可作毛鄭義異而經字則同之證正義云故易傳為禕乃依鄭義易字以曉人非謂經傳字作澤箋字作禕也相臺本依之改箋者誤

○渭陽

外國者婦人不以名行

閩本明監本毛本同案浦鏗云外國者三字疑衍是也

懼不敢占

閩本明監本毛本占誤言

○權輿

案崔駰七依

閩本駰誤駮後因改駮為駰而又誤剗依作駰明監本毛本承其誤

傳承繼也

毛本傳誤口閩本明監本不誤

陳譜

處戲卽伏犧

閩本明監本毛本犧誤義

毛詩注疏卷三

卷三

九

投殷之後於宋

閩本明監本毛本投誤封

東不及明

音孟

豬閩本明監本毛本同案此正義自為音旁行細書之未誤入正文者以此

推之而例可知矣○按未可以一例百且在句中者容或有此例如此音孟及遵大路之山音反是也在句末者則文理可讀亦不盡同此例

在外方屬鄭

閩本明監本毛本同案此當作在外方之北外方屬鄭因外方複出而脫去四字下

引檜譜云在豫州外方之北其證也

楚語云在女曰巫

毛本云誤曰閩本明監本不誤

子慎公圍戎立

明監本毛本戎誤成閩本不誤

卒子武公靈立卒子夷公說立

閩本明監本毛本同案上行本上卒至下公刻

添者二字

弟平公彘立

閩本明監本毛本同案此不誤浦鐘云變誤彘非也正義所引世家自如此

躍既為厲公

明監本既誤即閩本毛本不誤

馬遷既誤以佗為厲公

明監本毛本既誤即閩本不誤

○宛丘

聲樂不倦

明監本毛本聲樂誤倒閩本不誤

狀如一丘矣

閩本明監本毛本同案依爾雅注一上當有負字

若此宛丘中央隆峻

明監本毛本此誤比閩本不誤

今江東人取以為睫攤

閩本明監本毛本同案此不誤浦鐘云攤誤攤非也爾雅注本

作攤今釋文誤為攤耳廣韻十一暮鷺字下引亦作睫攤可證又五支接羅白帽接羅即睫攤

不鼓缶而歌

閩本明監本毛本不誤云

注云良爻也位近丑閩本明監本毛本同案此不誤浦鏜改位近丑作爻辰在丑非也王伯厚輯鄭易即采此正同

主國尊於簋閩本明監本毛本同案此不誤浦鏜云檜誤於從玉海按非也禮器正義引亦作於玉海作檜者當是誤涉禮器下文

○東門之枌

應劭通俗云閩本明監本毛本同案通俗浦鏜云當作風俗通是也

傳枌白至所聚明監本毛本所誤於閩本不誤

箋之子男子閩本明監本毛本男上行至字

序云男子棄業閩本明監本毛本同案浦鏜云女誤子是也

是陳有大夫姓原氏也閩本明監本毛本氏誤是

朝旦善明日往矣閩本明監本毛本同小字本相臺本且及正義中皆可證

貽我握椒明監本握誤握各本皆不誤

交情好也相臺本同閩本明監本毛本同小字本情作博案小字本誤也釋文以情好作音可證○按交博好猶云互相討好博字必古本之留遺者舊按非

此本淫亂之所由相臺本同閩本明監本毛本同小字本無此字案有者是也正義云詩人言此者即說箋此字

謂男言擇女閩本明監本毛本言誤來

蒺藜茅椒芬香閩本明監本毛本茅下行至字

○似葵紫色閩本明監本毛本重葵字衍

○衡門

掖扶持也小字本相臺本同案正義標起止云掖扶持下云故以掖為扶持也定本作扶持如其所言不為異本當有誤今無可考釋文掖下云扶持也與正義本同

云掖臂也閩本明監本毛本同案云上浦鏜云脫說文又掖下浦鏜云脫持是也

持以赴外殺之閩本明監本毛本同案浦鏜云掖誤持考左傳是也

橫木為門毛本橫誤衡明監本以上皆不誤

可以樂飢小字本相臺本同唐石經初刻同後加才作療案唐石經考異云用鄭義也考釋文云樂本又作療

毛音洛鄭力召反沈云舊皆作樂字晚詩本有作才下樂以形聲言之殊非其義療字當從才下察案說文云療治也療

或療字也則毛本止作樂鄭本作療注放此正義云案今定本作樂飢觀此傳亦作樂則毛讀與鄭異是正義本即作療

也標起止云至樂飢或後改沈云舊皆作樂字是也陸意不從沈而不云檢舊本不如沈言則作樂審矣釋文又作本正

義唐石經後刻作療皆沈所謂晚本也沈但當如正義所云觀此傳亦作樂以證毛氏詩是樂字不當誤論形聲以致陸

駁然陸云毛本作樂鄭本作療斯不然矣鄭非於毛外別有本但可易傳義耳不容經字先已異也鄭本亦必作樂陸欲

調停晚本失之考文古本作療采正義釋文也釋文晚字或誤今正詳後考證

可飲以樂飢閩本明監本毛本同小字本相臺本療作療考文古本同案正義本本作療療一字見上

此箋不云樂讀為療者以樂為療之假借而於訓釋中改其字以顯之也晚本乃因此改經耳唯傳中樂道字不容

改近盧文弨遂以樂飢可以樂道忘飢一句屬之王肅而議刪之矣其誤實由於晚本惑之且不得鄭箋改字之例

故也

○邶國有苾彼泉水毛本國誤風閩本明監本不誤

且下章勸君用賢閩本明監本毛本且誤耳

取其口美而已小字本同閩本明監本毛本同相臺本口美倒案美口是也

何必聖人

小字本相臺本同明監本毛本同閩本聖作至誤

周語作四岳

閩本明監本毛本同案浦鏜云祚誤作是也

○東門之池

閩本明監本毛本下有注小字本相臺本無考也

以配君子也

文古本無案山井鼎云此亦釋文混入注也是也

彼美淑姬

唐石經小字本相臺本同案釋文云叔姬音叔本亦作淑善也正義云言彼美善之賢姬是正義本作淑釋文音叔或誤今正詳後考證

考工記慌氏

閩本明監本毛本慌誤慌案山井鼎云作慌為是是也凡巾傍之字寫者多以小旁

齊人曰倭烏禾反

閩本明監本毛本同案烏禾反三字當傍行細書正義於自為音者例如

此也○按不然

歲再刈刈便生

閩本明監本刈誤割下人刈白華於野同毛本皆不誤

可以漚管

小字本相臺本同唐石經初刻與後改以案初刻誤也

○東門之楊

羣生閉藏為陰

閩本明監本毛本同案浦鏜云乎誤為考家語浦校是也

歎天道嚮秋冬而陰氣來

閩本明監本毛本同案歎當作觀形近之譌浦鏜云歎字

與陰俱近而陽遠也

閩本明監本毛本同案此不誤浦鏜云原文作內與陰居近而陽遠

○墓門

也非也居即俱字誤上文云冰泮而殺止故傍記內字為止字之異耳後遂誤入正文也當依此正之

陳佗乃用其言閩本明監本毛本乃作仍案所改是也

昔久也小字本相臺本同案正義云昔是久遠之事故為久也段玉裁云夕誤作久誰夕猶今人言不記是何日也記云疇昔之夜疇誰正同

誰昔昔也小字本相臺本同案正義云釋訓文又云今定本為誰昔昔也合爾雅俗為誰疑辭也正義本定本同是也俗誤

傳稱古曰在昔毛本傳誤傳曰誤云閩本明監本不誤

善惡自有閩本明監本毛本同小字本相臺本有作耳案有字誤也正義云此梅善惡自耳可證但與下

性因惡矣閩本明監本毛本同小字本相臺本性作樹考文古本同案樹字是也正義云梅亦從而惡矣

可證

歌以訊之唐石經小字本相臺本同案正義標起正云傳訊告也釋文云訊本又作諄音信徐息悴反告也詩經小學云諄訊義別諄多譌作訊如爾雅諄告也釋文云本作訊音信說文引國語諄申胥今國語作訊詩歌以諄止諄予不顧傳諄告也莫肯用諄箋諄告也正用釋詁文而釋文誤作訊以音信為正王逸楚詞注引諄予不顧廣韻六至諄下引歌以諄止可正其誤毛鄭詩考正云止譌作之

與梟一名鴟閩本明監本毛本同案此當作與梟異梟一名鴟因複出梟字而脫也爾雅梟鴟疏即取此誤改為一名梟一名鴟當是所見本已脫而未察此正義之旨也

唯鴉冬夏尚施之閩本明監本毛本同案浦鐘云常誤尚考爾雅疏是也

防有鵲巢

所美謂宣公也閩本明監本毛本同小字本相臺本無也

公既信此讒言明監本毛本言誤人閩本不誤

告語衆讒人輩

明監本毛本語誤與閩本不誤

箋誰讒至宣公

閩本明監本毛本同案讒當作誰

臂瓠瓠也

相臺本同閩本明監本毛本同小字本瓠瓠作令適案小字本是也釋文云令字書作瓠適字

書作瓠又臂下云令適也爾雅釋文云詩傳作令適是其證也正義本當亦作令適引爾雅乃順彼文作瓠瓠耳相臺本及此依以改傳者誤

○月出

又是佼好之人

閩本明監本毛本是誤見

言月光者

明監本毛本月誤日閩本不誤

月出皓兮

小字本相臺本同唐石經皓作皓案皓字是也

勞心慘兮

唐石經小字本相臺本同案釋文慘七感反此無正義其本未有明文以白華例之當亦作慘毛鄭

詩考正云蓋燥字轉寫譌為慘耳毛晃陳第顧炎武諸人論之詳矣

○株林

公謂行父曰

閩本明監本毛本同案十行本行父曰剡添者一字是本無曰字後依左傳加而行

從夏南

小字本相臺本同唐石經南下有旁添姬字下句同案惠棟云南與林協韻不容闕人姬字依疏當云從夏南兮今考正義云定本無兮字

言我非之株林從夏氏子南之母

小字本同閩本明監本毛本同相臺本無氏子

二字案有者是也

乘我乘駒

唐石經小字本相臺本同案此正義本也正義云何故得乘我君之一乘之駒又標起止云傳大夫

乘駒釋文云乘駒音駒沈云或作駒字是後人改之皇皇者華篇內同考汝墳傳云五尺以上曰駒正義云五尺以上即

毛詩注疏校勘記

卷三

左



六尺以下故株林箋云六尺以下曰駒也毛於此及皇皇者  
華皆更不為驕字作傳當皆是駒字未必後人改之說文驕  
下引我馬為驕凡說文所引不同多不可強合○按沈重說  
是也其詳見段玉裁說文解字注

○澤陂

言男悅女之形體閩本明監本毛本悅下有女言二字案所補是也

正以陂中二物興者明監本毛本二誤一閩本不誤

傷思釋言文閩本明監本毛本同案浦鏜云詁誤言是也

孫毓以箋義為長○正義曰閩本明監本毛本同案○下浦鏜云當脫傳自目至

曰泗六字及○是也

檜譜

檜國在禹貢豫州閩本明監本毛本同案此不誤浦鏜云檜衍字非也嫌國是祝融國故復

舉檜而言之

在汴縣東閩本明監本毛本同案浦鏜云其誤汴是也

昆吾蘇顧温莒也閩本明監本毛本同案依國語莒作董

妘姓鄢閩本明監本毛本同案此不誤浦鏜云鄢國語作鄢非也今國語誤耳潛夫論亦作鄢可證

檜國仍在毛本國誤公閩本明監本不誤

地理志毛本理誤里閩本明監本不誤下同

皆不言北鄰閩本明監本毛本同案北當作其形近之譌

○羔裘

經云豈不汝思閩本明監本毛本汝作爾案汝字是也

三諫不聽於禮得去也閩本明監本毛本同案不聽下浦鏜云當有則去之是三諫不

聽是也此不聽復出而脫

宣二年穀梁傳閩本明監本毛本二誤三

復士以璧閩本明監本毛本同案此不誤浦鐘云問誤復見荀子大略篇非也此不與楊倞注本

同耳

曲禮云大夫去國明監本毛本去誤至閩本不誤

在國視朝之服則素衣麕裘閩本明監本毛本同案朝當作朔

又用朝服以燕閩本明監本毛本又誤入

不過用元端深衣而已閩本明監本毛本端誤用

素冠

為母齊衰三年毛本齊誤斬閩本明監本不誤

不言其鞞毛本其誤有閩本明監本不誤

素冠於鞞閩本明監本毛本同案浦鐘云冠於疑裳與誤是也

樂樂瘠貌小字本相臺本同案此定本也正義云故以樂樂為瘠瘠之貌定本毛無瘠字釋文樂樂下云瘠貌此傳止云瘠貌箋云瘠瘠者亦申傳也當以定本釋

形貌樂樂然腹瘠也相臺本同閩本明監本毛本同小字本腹瘠作瘠瘦案小字本誤倒也釋

文腹本亦作瘦正義作瘠本腹瘠作瘠瘦案小字本誤倒也釋

此冠練在使熟閩本明監本毛本同案浦鐘云布誤在是也

彼棘作械閩本明監本毛本械誤戒

便是基即釋服明監本毛本即誤既閩本不誤

我心蘊結兮小字本相臺本同唐石經初刻蘊後改蘊案說文蘊積也从艸溫聲正義釋文作蘊者即蘊之

毛詩注疏

○隰有萋楚

國人疾其君之淫恣唐石經缺小字本相臺本同案此正義本也定本無淫字唐石經計其字亦當有

樂其無妃匹之意

相臺本同閩本明監本毛本同小字本妃作配案釋文云妃匹音配正義中作配字者妃配古今字易而說之也例見前小字本非也

於人天天然少壯沃沃壯佼之時

閩本明監本毛本同案上壯字衍沃沃下脫然字此讀於少字略逗

故謂夫婦家室之道

毛本謂誤為閩本明監本不誤

隰有萋楚三章

小字本相臺本同唐石經無隰有二字案有者是

○匪風

怛傷也

小字本相臺本同案此正義本也正義云定本無怛傷之訓考釋文怛兮下云慘怛也是釋文本亦無此傳

偁偁然大輕漂

閩本明監本毛本同案然當作兮上交發發兮大暴疾與此對交皆經中兮字也

此見周道既滅

毛本見誤皆閩本明監本不誤

亦歸與之而

閩本明監本毛本同案此不誤下亦備具之而詞也浦誤於之字斷句耳

俱不欲煩

閩本明監本俱誤故毛本不誤

謂以人思尊偶之也

閩本明監本毛本同案思當作意聘禮疏以人意相存偶也尊偶存

偶與中庸正義之相親偶表記正義之相愛偶碩人正義之答偶皆一也下文云尊貴之

曹譜

被孟豬

閩本明監本毛本同案孟當作盟陳譜作明豬正義云明豬尚書作盟豬即左傳稱孟諸之麋爾雅云宋有孟諸是也但聲訛字變耳是正義所引尚書作盟之證

由此所以寡於患難

明監本由誤白閩本毛本不誤

曹之後世

閩本明監本毛本曹上誤衍一○案毛鄭詩考正亦誤以此下共廿一字為鄭君語

十一世當周惠王時

閩本明監本毛本同案浦鏜云上脫○是也

子官伯侯立

閩本明監本毛本同案浦鏜云官誤官是也

弟幽伯強立

閩本明監本毛本幽誤幽下殺幽伯毛本誤同閩本監本不誤

幽伯戴伯二人又不數

閩本明監本毛本同案盧文昭云前陳譜疏云除相公一及此

人字亦當作及父子曰世兄弟曰及是也考邶鄘衛譜正義云又不數及商頌譜正義云除二及皆河證

○蜉蝣

昭公國小而迫

唐石經小字本相臺本同案釋文云國小而迫一本作昭公國小而迫案鄭譜云昭公好

奢而任小人曹之變風始作此詩箋云喻昭公之朝是蜉蝣為昭公詩也譜又云蜉蝣至下泉四篇共公時作今諸本此序多無昭公字崔集注本有未詳其正也今考集注是也譜正義云蜉蝣序云昭公昭公詩也候人下泉序云共公鴉鵂在其間亦共公詩也鄭於左方中皆以此而知是正義所見鄭譜左方中不云蜉蝣至下泉四篇共公時作釋文所見乃誤本因是而去此序昭公字耳

藜生糞土中

閩本明監本毛本藜誤聚

非獨刺小人也

閩本毛本小人誤羣臣明監本不誤

楚楚於衣裳之下

閩本明監本毛本於誤在

掘閱掘地解

小字本相臺本解下有閱字閩本明監本毛本亦有案十行本脫也又此定本也正義云初掘地而出皆解閱又云定本云掘地解閱釋文解閱音蟹下同與定本同也

謂其始生時也以解閱

相臺本同小字本無此九字案小字本非也閩本明監本毛本亦有

喻君臣朝夕變易衣服也

相臺本同小字本無臣字案小字本非也閩本明監本毛本亦

諸侯之朝朝服朝夕則深衣也

相臺本同閩本明監本毛本亦同小字本不重朝字案小字本非也釋文云之朝直遙反下皆同一讀下朝夕字張遙反可證

○候人

而好近小人焉

小字本相臺本同唐石經初刻無好字後改有案釋文以而好作音是其本有好字正義

云以下皆近小人也此詩主刺君近小人當是其本無好字初刻出於此

候人道路送賓客者

小字本相臺本同考文一本同閩本明監本毛本送下有迎字案正義云以是知候人是道路送迎賓客者依正義當有此字

止為彼候迎賓客之人兮

毛本止為誤正謂閩本明監本為字不誤

荷揭戈與祓

閩本明監本毛本同案經注作何正義作荷何荷古今字易而說之也例見前考文古本經作荷誤采所易之今字釋文何戈何可反又音河

不刺遠君子而舉候人

閩本明監本毛本同案不當作本形近之譌

袞冕黻珽

閩本明監本毛本珽誤廷

知用享祀

閩本明監本毛本同案此不誤浦鏗云利誤知祭誤享非也正義所引易自如此祭祀本或作享祀見易釋文

所謂鞞也

閩本明監本毛本同案浦鏜云鞞誤鞞以玉藻注考之浦校是也

下大夫再命上士一命

閩本明監本毛本同案此不誤浦鏜云二其字一譌下一譌上

非也盧文弨云不必拘本文是也

遣衛夫人以魚軒

閩本明監本毛本同案浦鏜云遺誤遣是也

僖十八年左傳

閩本明監本毛本同案十上浦鏜云脫二字是也

郭朴曰

閩本明監本毛本同案此不誤浦鏜云璞誤朴非也考朴字景純取純朴相應字當從木他書

多從玉不如此所稱者為正以上正義皆作璞或後人改之以下互見璞字同此朴即樸之俗字○案段玉裁云樸素字古作樸樸者素也胎也是以金玉之礦古皆作樸而璞乃俗字郭名當本作樸或譌璞非或譌朴亦非朴者木皮也非命名之意

形如鶚而極大

閩本明監本毛本鶚誤鶚案此因十行本別體俗字作鶚而然

濟升雲也

小字本相臺本同案正義云濟升釋詁文定本及集注皆云濟升雲也釋文濟下云升雲也與

定本同

季人之少子女民之弱者

小字本相臺本同案正義云定本云季人之少子女民之

弱者其正義本未有明文今無可考正義云伯仲叔季則季處其少女比於男則男疆女弱又標起止云至弱者其自為文者不可據意必求之當云季少子女弱者又季少

子見陟岵傳也

則歲不熟不熟又云故知此言歲穀不熟又云今定本直

則下民困病矣

閩本明監本毛本同小字本相臺本無矣字案無者是也標起止云至困病可證

天者無大雨

閩本明監本毛本同案者當作若因剗改而與下互譌也

故知蒼蔚雲興若

閩本明監本毛本同案若當作者因剗改而與上互譌

車牽云明監本毛本牽誤牽闕本不誤

○鳴鳩

以刺今在位之人

毛本位誤外明監本以上皆不誤

其儀一兮

唐石經小字本相臺本同案此一字是壹之假借

不壹字凡二見唐石經以下各本同用正字也序用字不與經同如采薇之昆雲漢之裁皆可見傳箋亦作一標起止可證正義易而說之乃皆用壹字

言執義一則用心固

小字本相臺本同案段玉裁云上箋儀義也善人君子其執義當如一也

下箋執義不疑此言執義一文句相承上當脫箋云二字今考標起止作傳是正義本已誤

用心如壹既如壹兮其心堅固不變

闕本明監本毛本同案十行本用心

刺至其心刺添者三字此當作用心既如壹兮其堅固不變刺變刺添如壹及心字皆誤

刺曹君用心不均也

闕本明監本毛本刺誤既知二字案此十行本始刺者譌一字為二

字山井鼎云宋板作刺最是彼所見刺字重刺而又正之也十行本屢經剗改者如此

謂如不以散

闕本明監本毛本同案當作謂固不可散

素冠云我心蘊結

毛本蘊誤緼闕本明監本不誤

騏驎文也

小字本相臺本同案當作騏驎文也釋文伊騏下云騏驎文也正義云馬之青黑色者謂之騏

此字從馬則謂弁色如騏驎之文也此與小戎正義詳略互見耳如者如騏驎之綦文也又正義下引孫毓云皮弁

之飾有玉璫而無綦文綦文非所以飾弁箋義為長是此傳釋文正義孫毓評皆是騏驎文也今各本皆誤標起止

傳騏驎文亦當是後改釋文綦字舊或誤纂今正詳後考證○按說詳小戎

騏當作璫

小字本相臺本同案釋文云作璫音其是釋文

詩孔疏詩皆依綦字今考正義本箋亦是璫字見下與釋文本同當是用此字以別於傳綦文也其引周禮而說之

用彼注作綦

言皮爲之璆

閩本明監本毛本同案爲當作弁

會逢中也

閩本明監本毛本同案浦鏜云縫誤逢下同是也

以爲飾謂之綦

閩本明監本毛本謂誤爲

玉用采也

閩本明監本毛本同案用下浦鏜云脫三字是

綦常服也

閩本明監本毛本同案綦上當有玉字因上句未玉字形近而脫去也

故知騏當作綦

閩本明監本毛本同案綦當作璆上文云鄭唯其帶伊騏言皮弁之璆又云知騏當作璆此二璆字據箋言之可證也

正是也

閩本明監本毛本同小字本相臺本是作長考文古本同案長字是也釋文正義皆可證

傳言正長釋訓文

閩本明監本毛本同案訓當作詁

其非禮也

閩本明監本毛本同案浦鏜云討罪誤其非是也鴻鴈正義引作討罪魯頌譜正義引同

○下泉

冽彼下泉

唐石經小字本同相臺本冽作冽閩本明監本毛本同案釋文冽音列寒也唐石經本此正義云字

從冰相臺本所據改也東京賦李善注引此作冽詩經小學云字從久列聲又見大東

稷童梁

小字本相臺本梁作梁閩本明監本毛本同案梁字誤也爾雅作梁此釋文及大田亦或誤見六經

正誤

冽彼至周京

閩本明監本毛本冽作冽下同案所改是也

浸彼苞稷之草

明監本毛本草下衍也字閩本列入

字從水

閩本明監本毛本水作冰案所改是也大東正義可證

必浸其根本

閩本明監本毛本同案稷當作根形近之



郭朴曰莠類也

閩本明監本毛本朴作璞

或謂宿田也

毛本田誤守閩本明監本不誤

甫田云不稂不莠

閩本明監本毛本同案浦鐘云大誤甫是也爾雅正義即取此正作大

幽譜

后稷之曾孫也公劉者

閩本明監本毛本同案浦鐘云曰誤也是也

原隰底績

閩本明監本毛本底誤底田亦底

金滕直云居東

閩本明監本直誤惟毛本作勤誤見下

由其積德勤民

閩本明監本勤誤愛毛本作直誤山井鼎云乃改之互換其處是也

本詩周公所作

毛本詩誤是閩本明監本不誤

俱是先公之後

閩本明監本毛本俊誤後下明是念其俊者同閩本監本毛本俱改則其

若然大王既遭事難

閩本明監本毛本若誤者

後成王迎之反之

閩本明監本毛本同案上之字浦鐘云而誤是也正義云是成王迎而反之可證

之可證

主意於幽公之事

毛本主誤王閩本明監本不誤案山并鼎云王當作主物觀補遺不載據

宋板皆失之

其人攝王政也

閩本明監本毛本政誤室

有自比三入之意

閩本明監本毛本有自誤倒比誤此

主意於幽公之事

閩本明監本毛本同案十行本損以字計之應少一字改刻補損而誤也

故亦謂之變風

閩本明監本毛本謂作為案此改刻補損而誤

逸言詠周公之德者

閩本明監本毛本者作也案此改刻補損而誤

故周公之德

閩本明監本毛本故誤攷

知武王於時

明監本毛本知上行則字閩本刻入

十有一年武王伐殷

閩本明監本毛本一作三案文王正義作一可證此改刻補損而誤

以右王室

明監本毛本右誤左閩本不誤

即云惟朕小子其新逆

閩本明監本毛本逆作迎案此改刻補損而誤

於四方諸來朝

明監本毛本諸下有侯字閩本無案有者是也采菽正義引有

自然文王崩之明年

毛本文誤武閩本明監本不誤

故迎周公

閩本明監本毛本同案浦鏜云欲誤故是也

金縢之前作也

明監本毛本金土衍啓字閩本刻入

三年踐奄

閩本明監本毛本踐誤伐

攝政元年年十四

明監本毛本攝上行則字閩本刻入

大夫既美周公來歸

閩本明監本毛本來誤東

必然以否

明監本毛本以誤與閩本不誤案以否正義中常語而不知乃改之

○七月

處幽地之先公

閩本明監本毛本之誤陳

故流公將不利孺子之言於京師

毛本公誤言閩本明監本不誤

我先王以謙謙為德

毛本下謙字誤讓閩本明監本不誤

無以告我先王

閩本明監本毛本以告誤怨於

古者避辟扶亦反譬僻

閩本明監本毛本同案扶亦反三字當旁行細書正義自為音

例如此考此正義所言知采苓正義必當易辟為僻今盡作辟者後人依注改也此類多矣○按自為音未必

雙行小字

故毛讀辟為辟

明監本毛本下辟字誤避閩本不誤案此即上扶亦反字

故四章陳女功助

閩本明監本毛本助上衍之字

其助在成一冬之月

誤月

閩本明監本毛本同案此當作其助在成冬一之日冬一字誤倒口

一之日臽發

毛本之日誤倒明監本以上皆不誤

二之日栗烈

唐石經小字本相臺本同案此釋文本也釋文云栗烈並如字下泉大東正義皆引作二之日栗烈云字從冰此正義云有栗冽之寒氣以下皆作烈猶引白旆英英而本詩作央央也又五經文字公部有栗字是栗亦有從久者今考毛氏詩多假借字當以釋文云如字者為長四月箋云烈烈猶栗烈也亦其證○按詩經小學全書考栗烈當為栗烈其說甚詳今坊間所行乃刪本耳

臽發風寒也

小字本相臺本同案正義云有臽發之寒風又云故以臽發為寒風考說文云凜風寒也

用此傳正義下云仲冬之月待風乃寒則作風寒者是也

有臽發之寒風自為文而倒之也其故以臽發為風寒不當倒乃後來所改也釋文臽發下云寒也有誤詳後考證

言勸其事

小字本相臺本同考文古本同閩本明監本毛本勸誤勤

俱時我耕者之婦子

閩本明監本毛本俱誤其案箋云同猶俱也正義依此作其者誤甚

見其勤農事

閩本明監本毛本勤下衍於字

傳火大火至冬衣矣

閩本明監本毛本脫下火字矣字毛本心誤星閩本明監本不誤

火大火心也

明監本毛本寒下有退字閩本剝入案所補是也

正中在南方大寒

明監本毛本大誤天閩本不誤

堯典云

明監本毛本堯上行而字闕本剝入

吳志孫皓問

闕本明監本毛本同案吳當作鄭困學紀聞嘗正其誤是當時本已作吳矣

前受東方之體

闕本明監本毛本同案體當作禮形近之譌禮即謂月令也

又復指斥其一之日

闕本明監本毛本日下有者字案所補是也

此篇說文

闕本明監本毛本同案浦鏜云說當設字誤是也

物之牙蘗將生

毛本牙誤芽闕本明監本不誤

言此二正之月

闕本明監本毛本正作陽案此改刻補換而誤

衣事絲蠶爲重

闕本明監本毛本同案十行本換以字計之應少一字改刻補換而誤也

傳三之日至大夫

闕本明監本毛本脫日字

當季冬之月

闕本明監本毛本當下有以字闕本剝入案所補是也

當以孟春之月者

闕本明監本毛本同案浦鏜云者當衍字是也

自三百以外

闕本明監本毛本百下有里字毛本三作二案所補所改皆是也

故直云田峻大夫

闕本明監本毛本峻下有田字案所補是也釋文峻下云田大夫也

知其祭先教者

闕本明監本毛本其作爲案此改刻補換而誤

便是喜其餉食

闕本明監本毛本喜作言案此改刻補換而誤

雖有冀缺如賓之敬

闕本明監本毛本如作迎案此改刻補換而誤

何爲辱身就耕民公媿畝草闕

闕本明監本毛本草作之案此改刻補換而誤

故又本作此

闕本明監本毛本同小字本相臺本作於考文古本於字亦同案於字是也

蔡白蒿也

小字本相臺本同案此正義本也正義云今定本云皤蒿也釋文云皤蒿音婆與定本同考文

古本作皤采正義釋文

遲遲非暄

閩本明監本毛本非誤是

胎始也

明監本毛本胎誤殆閩本不誤

說者皆以為生始

閩本明監本毛本始上衍之字

然則胎殆義同

明監本毛本胎殆誤殆始閩本作胎始亦誤

當具有風雅頌也

閩本明監本毛本也誤他

王者設教以正民

明監本毛本設誤說閩本不誤

鹿鳴陳燕勞伐事之事

閩本明監本毛本伐事作羣臣案此誤改也伐事當作戍土伐

戍形近之譌十行本土事不別也通鹿鳴以下言之不專指鹿鳴一篇下文王亦然

未得功成道洽

閩本明監本毛本洽誤治

八月萑葦

小字本相臺本同唐石經初刻萑後改萑案萑字是也五經文字云萑戶官反從廿下萑今經或相

承隸省草作萑正謂此也釋文萑戶官反○按說文有萑有萑者葦之類也从艸萑聲萑者鳥名从艸佳聲音字蓋用萑雀字為段借非用萑艸字也萑艸字从艸佳聲音追

猗彼女桑

唐石經小字本相臺本同案釋文云猗彼於猗反徐於宜反正義云襄十四年左傳云譬如捕鹿晉

人角之諸戎猗之然猗角皆遮截束縛之名也故云角而束之曰猗考此是說傳角字之義又以為猗之言猗也故并說之非正義本經傳皆作猗也末曰猗仍當作曰猗乃不知者改之耳或因正義中字譌遂并疑此經當作猗者非也正義上文云猗束彼女桑而采之又云以繩猗束而采之也皆作猗不作猗猗字在小弁經正義不引亦其證

斯方盞也

小字本相臺本同案段玉裁云斯方盞斧也依說文補今考釋文斯下云方盞也正義云故云

女桑黃桑也

小字本相臺本同案正義云故知女桑桑桑又云集注及定本皆云女桑黃桑釋文云黃

桑徒夷反與定本同

條桑枝落采其葉也

閩本明監本同毛本落下剡添之字小字本相臺本有考文古本同案有者是也釋文條下云枝落也不備取耳與葛覃獲蕢也正

七月鳴鵙

小字本相臺本同明監本毛本同唐石經鵙作鴉案唐石經是也五經文字云鴉伯勞也與說文合

可證也  
葵初生蔥息理反駢色

閩本明監本毛本同案息理反三字當旁行細書正義自為音

○按不然

又云葭華舍人曰葭一名華

閩本明監本毛本同案二華字皆當作葦今爾雅自

石經以下各本皆作華者字之誤也此正義所引本不誤故下文云成則名為葦也不知者乃改之文選注引亦不誤

白露為霜之時猶名葭

閩本明監本毛本同案盧文昭云白露為霜當重非也讀以霜

字斷句之時二字下屬之時者是時也

具曲植筐筥

閩本明監本毛本同案浦鏗云筥筐字誤倒是也

傳斯方至蕢桑

閩本明監本毛本同案蕢當作桑

故云角而束之曰猗

閩本同監本毛本猗作猗案當作猗見上

集注及定本皆云女桑柔桑

閩本明監本毛本同案柔當作蕢

言如爵頭色也

閩本明監本毛本頭誤弁

注云凡染絳

閩本明監本毛本絳誤終

土記位於南方

閩本明監本記作寄毛本剡改記案皆誤也當作託周禮染人疏可證

但不知經文實誤不耳

閩本明監本毛本不誤之

其餘後可知也

閩本明監本毛本同案浦鏗云後當從字誤是也

當及盛暑熟潤

閩本明監本毛本同案浦鏜云熱誤熟是也

三月而後可用

閩本明監本毛本用誤以

謂以夏日染之

毛本日誤三閩本明監本不誤

是為衣之終

毛本為誤謂閩本明監本不誤

十月隕穳

小字本相臺本同唐石經初刻殞後改隕案初刻誤也

于貉往搏貉

小字本相臺本同案此釋文本也釋文云搏音博舊音付車攻篤公劉釋文同又無羊釋

文云搏音博亦作捕音步考正義云一之日往捕貉取皮又云皆是往捕之而取其皮是正義本作捕字都人士正義引于貉往捕貉亦其證如周禮小司徒注同捕小司寇注司搏也○按搏捕古今字此正義作搏正義易字而說之也

以自為裘也

小字本相臺本同案此正義本也正義云庶人自以為裘又云明于貉是民自用為裘也

皆為讀如字都人士正義引以自為裘亦其證釋文自為也于偽反無裘字讀亦不與正義同

釋蟲又云蜺寒蠋

閩本明監本蠋作蠋毛本誤作蟬案山井鼎云爾雅作蠋是也

七月寒蟬鳴

毛本鳴誤名閩本明監本不誤

是萋以否

閩本明監本毛本以誤與

皮革踰歲乾冬乃可用

閩本明監本毛本同案浦鏜云久誤冬考掌皮注浦按是也

知狐狸以供尊者

閩本明監本毛本狸誤裘

向北出牖也

毛本牖誤牖明監本以上皆不誤下同

此皆將寒漸

閩本明監本毛本漸上衍之字

如蝗而班色

毛本班誤斑閩本明監本不誤

箋七月至卒來

閩本明監本毛本箋下有自字案所補是也

此為寒之備 閩本明監本毛本此誤北

是為未終 毛本為誤謂閩本明監本不誤

既以鬱下及棗 小字本相臺本同考文古本同閩本明監本毛本下作奠案下者謂奠蔡菽也改作奠者誤正義云鬱下及棗揔助男功可證

劉稹毛詩義問云 閩本明監本毛本同案惠棟云劉公幹毛詩義問十卷稹當作楨

晉宮閣銘云華林園中 閩本明監本毛本園作園案所改非也園即園字當是正義依彼文引之也不得以字書不載而改去

棗須樹擊之 閩本明監本毛本樹上有就字案此誤補也樹當作倒倒即擣字見集韻又列女傳手自擣即漢書之手自擣也今本亦有誤為樹者皆因不識此字○按此殊附會剝棗即今之撲棗也剝讀為撲觀釋文自明撲者扑之俗扑者支之變正義樹字當是撲之誤

必有豪毛秀出者 毛本豪誤毫閩本明監本不誤案考文古本因此并改箋作毫失之甚矣

右助也 閩本明監本毛本右誤言

苴麻之有實者 閩本明監本毛本者下衍也字

場圃同地自物生之時 小字本同閩本明監本毛本同相臺本自作耳考文古本同案耳字是也上屬斷句

上入執宮功 小字本相臺本同唐石經執下有傍添於字案旁添誤也又此定本也正義云經當云執於宮公本或公在宮上誤耳今定本云執宮功不為公字考此傳箋皆無公字之訓箋云執宮中之事與上載續武功傳功事也相承當以定本為長正義於字是自為文傍添者誤取之

七月定星將中 閩本明監本毛本同小字本相臺本七作十考文古本同案十字是也

急當治野廬之屋 毛本屋誤外明監本以上皆不誤



幽公又其始

閩本明監本毛本幽上行以字

場圃在園地

閩本明監本毛本同案浦鏜云任誤在是也

故春夏為圃

明監本毛本故下行言字閩本剗入

東山云町腫鹿場

明監本毛本腫誤腫閩本不誤案彼經唐石經以下皆作腫

徒黍稷重穆四種而已

明監本毛本徒上行非字閩本剗入

其餘稻秫苽梁之輩

毛本苽誤菰閩本明監本不誤

皆名為禾

毛本名誤云閩本明監本不誤

則是訓功為事

閩本明監本毛本同案功當作公下故入之執於宮功同

祭非祭也

閩本明監本毛本非下有民字案皆誤也當作非民祭也十行本行上祭字脫民字閩本

以下補仍衍上祭字

祀於公社及門閭

明監本毛本祀誤社閩本不誤

臘謂以田獵所得禽祭

明監本毛本得誤謂閩本不誤

冰盛水腹

相臺本同閩本明監本毛本同小字本腹作復案釋文云復音福正義云月令季冬冰方盛水

澤腹堅腹厚也爾雅文鄭彼注用之正義本當是腹字月令釋文云腹本又作復此釋文或作腹詳後考證考文一本作復采自月令釋文耳

祭司寒而藏之

小字本相臺本同案釋文云祭司寒本或作祭寒正義云加司字以足之其所說最

得左傳及此箋之意或作本誤依傳刪失之矣

滌場功畢入也

閩本明監本毛本同小字本相臺本滌下有埽也二字考文古本同案有者是也釋

文正義皆可證

饗者鄉人以狗

小字本相臺本同案盧文弼云饗者下脫鄉人飲酒正義有說文同今考正義中所

云飲酒皆推傳意如此非正義本傳中有鄉人飲酒四字而今脫去也正義云傳以朋酒斯饗為黨正飲酒之禮又云箋以斯饗為國君大飲之禮二者皆推其意傳之無飲酒猶箋之無大飲其明證矣說文自解饗字從鄉之義非取此傳成文也不當補○按段玉裁云細讀正義知本作饗者鄉人飲酒也鄉人以狗大夫加以羔羊因兩鄉人復而奪落數字古書類然且如上文傳埽也既依正義補入矣何此正義確可據者獨不可依乎若云箋中無大飲字豈正義文不得略有參差乎段云是也

**疆竟也**

小字本相臺本同案釋文疆下云竟也或音注為境非正義云疆是境之別名即釋文所云音竟為境者故上文易為境字而說之云無有疆境之時也又云定本竟作境考楚茨及甫田箋意當以正義音境為長考文古本作境采正義

**故特為殺羊**

閩本明監本毛本羊下衍也字

**此亦得為凌室者**

閩本明監本毛本同案此當作而

**公始用之**

閩本明監本毛本公誤君

**賓客食喪有祭祭祀**

閩本明監本毛本同案此當作賓客食享喪浴祭祀每二字為一句

所以解賓食喪祭四事也

**給賓客喪祭之用**

閩本明監本毛本同案客當作食此字之誤耳考文古本因此改箋食亦

作客失之矣

**此引之到者**

閩本明監本毛本到作倒案所改是也正義俱用倒字此壞耳

**肅謂枝葉縮栗**

閩本明監本毛本栗誤束

**鄉人雖為鄉大夫**

閩本明監本毛本同案盧文弨云鄉當作卿是也

**別之於燕**

閩本明監本毛本同案今月令注燕作他不與此所引同也正義下云言別於燕禮可證

山井鼎依彼文非也

其禮云閩本明監本毛本同案云字當作亡形近之譌也今月令注不誤山井鼎依彼文是也

烝謂特牲體謂為俎閩本明監本毛本同案此當作烝謂折牲體升為俎折字升字譌而

不可讀今月令注烝作燕特作有無體下謂亦皆誤耳山井鼎依彼文非也又云宋板特作有其實不然當是剋也

言別於燕禮小於大飲閩本明監本毛本同案盧文昭云燕禮當重是也

公尊瓦大夫尊兩圓壺閩本明監本毛本同案浦鏗云士誤夫以儀禮考之是也大字

斷句

俱教孝悌之道閩本明監本毛本悌誤弟

○鴟鴞

公乃為詩以遺王唐石經小字本相臺本同案釋文云遺唯季反本亦作貽此從尚書本也正義云定

本貽作遺字則不得為怡悅也考正義引金滕注怡悅也是鄭讀尚書貽為怡也此序注義既與彼同則貽字亦不為有異當以正義本為長

疑其將篡明監本毛本其誤有閩本不誤

以貽遺成王閩本明監本毛本無遺字案此誤去也遺字讀唯季反

而不取正言閩本明監本毛本取作敢案所改是也首章正義云但不敢正言其事可證

不得復名為貽悅王心閩本明監本毛本同案貽當作怡上文可證

興者喻此諸臣毛本喻誤踰明監本以上皆可證

無絕其位小字本相臺本同考文古本同閩本明監本毛本位上有官字案無者是也當是蒙上而省

此取鴟鴞子者言稚子也小字本同閩本明監本毛本同相臺本言作指案指字是也

舍人曰鴟鴞毛本鴟誤鴟閩本明監本不誤

取茅莠為窠

閩本明監本毛本窠誤巢

或謂之過羸

閩本明監本毛本同案盧文昭改羸為羸依方言廣雅耳非也羸即羸字爾雅疏即

取此正作羸

欲誚公之意作此詩

明監本毛本欲上有是字閩本剜入案此誤補也欲誚當作鄭謂

罪猶未加刑

閩本明監本毛本同案罪當作實

假以官位土地為辭

毛本辭誤鄭閩本明監本不誤

釋言云鬻稚也

閩本明監本毛本同案浦鏜云鞠誤鬻是也

箋云言取鴟鴞子者

閩本明監本毛本同案言當作此

惜稚子也

閩本明監本毛本同案惜當作指

致此王功

閩本明監本毛本王誤大案考文所載功作意誤也

汝成王意何得絕我官位

閩本明監本毛本同案意當作竟與下互誤也

箋以此為諸臣設請

閩本明監本毛本設誤諮

故竟欲恚怒之

毛本竟誤以閩本明監本作意案意是也此作竟乃與上互誤也

子所蓄租

唐石經小字本相臺本同案釋文云租子胡反本又作祖如字為也正義云祖訓始也物之初始必有為之故云祖為也段玉裁云正義正同又作本也今釋文正義祖皆譌租當正釋文見後考證

拮据撤搨也

小字本相臺本同考文古本同閩本同明監本毛本撤搨誤撤搨正義中同

是荼之草也

閩本明監本毛本脫也字

謂亂之秀穗也

毛本秀誤莠閩本明監本不誤

而口文未見

閩本明監本毛本文誤又

若唯口病

閩本明監本毛本若誤苦

曰子未有室家

明監本毛本日誤也閩本不誤

子尾脩脩

小字本相臺本同唐石經脩脩作脩脩案釋文脩脩素彫反注同考此經相傳有作脩作脩二本也

沿革例云監蜀越本皆作脩脩以疏為據與國本及建寧諸本皆作脩脩以釋文為據也又引疏去定本作脩脩今正義誤見下又正義云子尾消消而敝乃正義所易之字如易令為鈴鈴易遂遂為璲璲非其本經傳作消消也以定本作脩脩推之正義本當作脩脩矣標起止當是後改段玉裁云集韻光堯石經作脩脩

子尾消消而敝

閩本明監本毛本同案而上浦鏗云脫然字是也

鄭殺弊盡同

閩本明監本毛本弊作敝案此誤改也正義是弊字與緇衣敝笱正同此唯一字尚存其舊而上下多作敝矣閩本以下又并改之凡正義所易之字往往改去今有不可追而正之者

作脩脩也

閩本明監本毛本同案脩脩當作脩脩見沿革例

○東山

周公於是志伸

毛本周公誤在於是下明監本以上皆不誤

乃令人憂思

閩本毛本乃誤物明監本不誤

說其成婦之事

閩本明監本毛本婦作昏案婦當作婚

唯恐民上不知

閩本明監本毛本民誤君

不序章首四句皆同

明監本毛本皆上有以章首四句五字閩本刻入案山井鼎云脫此

五字是也

惟朕小子其新迎注云新迎

毛本上新字誤親閩本明監本不誤案二迎字皆當

作逆譜正義引作逆可證

與之歸尊任之

閩本明監本毛本與誤征

非二年始東征也

閩本明監本毛本二誤三

手言注疏考

此言商奄者

明監本毛本此下有「不字」閩本剗入案所補非也言當作無耳

勿士行枚

唐石經小字本相臺本同案釋文云勿士行枚無

衛字箋云初無行陳衛枚之事定本是也考釋文云鄭音衛者謂箋之衛枚即經之行枚鄭以行為衛之假借不云讀為直於訓釋中改其字以顯之箋例每如此釋文得之其箋之行陳是說衛枚所用非經中之行如殷其雷傳箋之此非經中之斯菁菁者義傳箋之載非經中之載其比也故釋文云無行戶剛反明非經中之行也正義定本讀經讀箋皆爾絕無異說正義所云定本勿士行枚無衛字者必當時或本經於勿士行枚之間更有衛字故也若但為行衛二字互異止得云不作衛字不得云無衛字箋云以下乃正義自引箋以證謂箋中衛枚即經中行枚其開更無衛字如雞鳴正義在定本下自引箋以證予字也非箋云以下載定本之箋經義雜記欲改此經作衛及去箋行陳字皆於釋文正義未得其理又釋文云王戶剛反乃難箋衛字於箋行陳則迴不相涉也太平御覽引作衛以破引之也○按舊校本殊誤鄭箋行陣衛枚之事以釋經之行枚猶傳以樂道忘飢釋經之志飢也此何容疑惑而必云鄭讀行為衛乎行古音如杭衛从

行金聲絕不在古人讀如讀若讀為讀日之例蓋必古音相近而後得有讀如讀若讀為讀日也此釋文云鄭音衛者自是陸氏之誤

亦初無行陳衛枚之事

小字本相臺本同案正義云箋云初無行陳衛枚之事引箋不備耳

亦者亦兵服也經義雜記云亦字當衍非也

蝻蝻蠋貌柔蟲也

閩本明監本毛本同小字本相臺本柔

烝寘也

相臺本同閩本同考文一本同小字本寘作寘明

此 監本毛本同案寘字是也釋文云從穴下真餘同

道上乃遇零落之雨

閩本明監本毛本同案物觀云宋

一行字也

歸又遇雨落

閩本明監本毛本落誤是

定本云勿士行枚無銜字

明監本銜字誤缺閩本毛本不誤

嫌此四句意不同

明監本毛本意下衍亦字閩本刻入

正義曰幾法也

閩本明監本毛本同案山井鼎云幾恐辟字是也

倫謂親踈之比也

毛本謂誤為閩本明監本不誤

是枚為細物也

毛本枚誤彼閩本明監本不誤

韓子云虫似蠋

閩本明監本毛本虫作蠹案虫當作蠶因別體俗字蠶作蚕虫而轉輾致

誤也

果羸括樓也

相臺本同閩本明監本毛本同小字本括作括案括字是也釋文果羸下云括樓又括樓

古活反十行本正義中皆作括樓可證閩本以下正義中亦誤爾雅作括樓說文作苦萇皆不與此同考文古本作括樓采釋文而并改樓從才非

熐螢火也

小字本相臺本同案釋文螢火惠丁反正義云案諸文皆不言螢火為熐又云然則毛以螢火

為熐非也段玉裁云螢火與列子天瑞淮南汜論說林二訓說文博物志皆合謂鬼火熐熐然者也凌人誤以釋蟲之熐火即炤當之又改其字從虫其誤蓋始於陳思王也思王引韓詩章句鬼火或謂之熐然則毛韓無異其說是也陳思王螢火論載正義此不更具錄

家無人則然

小字本相臺本同考文古本同閩本明監本毛本則誤惻

括樓如瓜

明監本毛本如上衍葉字閩本刻入

葉形兩兩相拒值

閩本明監本毛本脫拒字

故知町疇是鹿之跡也

閩本明監本毛本疇作疇案疇字是也見上

卽夜飛有火蟲也

明監本毛本卽下衍炤字閩本刻入案此卽字非卽炤之卽乃下章正義

所引舍人曰卽大蠹也卽名蠹也之卽

瓜之辨有苦者小字本相臺本辨作辦閩本明監本毛本同案辦字是也釋文辦下引說文云瓜中實也可證十行本正義中亦作辨明監本毛本作辦所改是也

君子既有此苦毛本此誤所閩本明監本不誤

一名皂裙毛本皂誤早閩本明監本不誤

又尼其巢一傍為池閩本明監本毛本同案尼當作穴形近之譌山井鼎云尼宋板作泥其實不然當是剗也○按巢中何得作穴作泥是也

縹婦人之褱也毛本褱誤緯明監本以上皆不誤

言以戲樂之毛本以誤已閩本明監本不誤

月令仲春倉庚閩本明監本毛本同案庚下浦鏜云脫鳴字是也

駟赤色名曰駮也閩本明監本毛本同案曰當作白舍人讀爾雅以駟字斷句也

舍人言駟馬名白馬非也閩本明監本毛本同案白馬二字為一句也此正義譌舛不可讀今訂正

以申解之閩本明監本毛本同案浦鏜云戒誤解以爾雅疏考之浦鏜是也

案昏禮言結帨此言結縹明監本毛本脫結帨此言四字閩本不誤

且未冠笄者佩容臭明監本毛本者下衍未冠笄者四字閩本不誤案此上脫下衍乃寫書人自覺其誤而未及改正者山井鼎物觀不載失之矣

○破斧

三章上二句閩本明監本毛本章下衍皆字

隋盞曰斧小字本相臺本同案考文古本下有方盞曰斨四字非也此與七月傳斨方盞也互文見義七月正義云破斧傳云隋盞曰斨斨然則斨即斨也各本皆同其實誤也當作然則方盞曰斨斨即斨也因方



蓋曰斯與所引破斧傳云隋蓋曰斧有似對文乃誤屬然則二字於斯即斧也之首耳此經又缺我斯釋文斯下云說文云方登斧也浦鏜校彼正義以為觀音義則傳本無此四字非脫也其說當矣特未悟彼正義亦本不引此傳方登曰斯也考文古本正采彼正義而致誤

主為四國之民被誘作亂 閩本明監本毛本主誤正

傳吡化也正義曰 閩本明監本毛本正上有○案所補非也也當作○耳

言使四國之民心堅固也 明監本毛本言誤亦閩本不誤

箋以為之不安 閩本明監本毛本同案浦鏜云之疑衍是也

○伐柯

克能也 毛本克能誤倒明監本以上皆不誤

當先使曉王與周公之意者又先往 小字本相臺本同案又者又上箋先往也

正義云當使曉王與周公之意者先往乃隳栝箋文非箋如此明刻單注別本有改又為以者誤甚

唯周公耳 閩本明監本毛本唯上行其字

見能未形 閩本明監本毛本同案浦鏜云見能字當誤倒是也

何須問人 閩本明監本毛本同案問當作用形近之譌

能如是者唯周公耳 閩本明監本毛本如誤迎

則復籩禮器 閩本明監本毛本籩下有豆字案復籩當作籩豆

○九罭

反而居攝 閩本明監本毛本攝下行政字

鱮魴大魚也 小字本相臺本同案釋文鱮下云大魚也正義云傳以為大者欲取大小為喻王肅云以

興下土小國不宜久留聖人傳意或然今考此傳當本無大字或加之以駁鄭與敝笱同魴亦衍字也釋文獨於鱮

下云大魚也是其本無魴字

當有其禮毛本禮誤體明監本以上皆不誤

九罭至繡裳閩本明監本毛本裳誤囊

是儼人各有其倫閩本明監本毛本儼誤擬

郭朴曰纓閩本明監本毛本朴誤璞下郭朴曰鱒同

釋魚有鱒魴閩本明監本毛本同案鱒魴虛文昭云當作魴鱒是也

陸機注云閩本明監本毛本同案浦鏗云疏誤注是也

以其纓促網曰毛本日誤自閩本明監本不誤

是是東都也小字本相臺本同考文古本同閩本明監本毛本下是字誤以

則可於汝之所誠處耳毛本於誤與

欲周公留之為君閩本明監本毛本同小字本相臺本之為作為之考文一本同案為之是也

無使我心悲兮唐石經小字本相臺本同案正義云本或心下有西衍字與東山相涉而誤耳定本無西

字考文一本有采正義

周公在東必待王迎閩本明監本毛本東下衍都字

箋是東至西歸閩本同明監本毛本東作以案皆誤也當作是

九罭四章明監本毛本章誤句唐石經以下各本不誤

○狼跋

成王又留之相臺本同閩本明監本毛本同小字本又作久案小字本誤也

孫遁辟此成公之大美小字本同閩本明監本毛本同相臺本公作功考文古本同案功字

是也正義可證

履赤舄几几然

毛本履誤履明監本以上皆不誤

乃遜遁避此成功之大美

閩本明監本毛本同案經注作孫正義作遜孫遜古今字

易而說之也例見前正義云古之遜字借孫為之則固自言其例矣考文古本箋作遜誤采正義也避亦易字見汝墳

說文云跋躡丁千反踰竹二反

閩本明監本毛本同案丁千反竹二反六

字當旁行細書正義於自為音者例如此○按即自為音不定有此例況丁千反竹二反乃引說文音隱乎唐人所引說文反語皆本音隱

掌王之服履

毛本履誤履閩本明監本不誤

爵弁纁黑絢纁純

閩本明監本毛本同案纁下浦鏜云脫履字考士冠禮浦校是也

狀如刃衣

閩本明監本毛本同案浦鏜云刀誤刃考士冠禮注浦校是也

屨順裳色

毛本色誤也閩本明監本不誤

則絢赤黑也

閩本明監本毛本同案盧文弨云赤當作亦是也

皆謂周公

閩本明監本毛本謂誤是

故履赤舄

閩本明監本毛本同案浦鏜云履誤履是也

小大雅譜

懿王從於犬丘

閩本明監本毛本犬誤大

而別世載其功業

閩本明監本毛本同案別當作列形近之譌

大雅以盛為王

閩本明監本毛本同案浦鏜云王疑主字誤是也

既聖能代

閩本明監本毛本代下衍殷字

不言武王之謚成王時作

閩本明監本毛本同案成當作武形近之譌

三言詩頭本甚詳

此又解小雅比篇之意

閩本明監本毛本比誤此下比篇尚不以作之先後為次同

可王之事繼之

閩本明監本毛本同案浦鏜云可當武字誤是也

役反而勞之

閩本明監本毛本反誤還

容有鄰國之聘客也

毛本容誤客閩本明監本不誤

多在武王成王時作也

毛本成誤文閩本明監本不誤

詩見事漸

閩本明監本毛本詩誤書

又大雅生民及卷阿

閩本明監本同毛本及上剝添下字案所補是也

此五篇樂與萬物得所

閩本明監本毛本同案樂與下當脫賢與二字

既醉告太平

閩本明監本毛本告誤言

鳧鷖守成

閩本明監本毛本守上衍言字

蓼蕭既醉之輩

閩本明監本毛本輩誤章

失毛之言

閩本明監本毛本失誤先

故中候曰

閩本明監本毛本中候誤申侯

小雅十六為正經

閩本明監本毛本六下有篇字案所補非也

何者天子饗元侯

閩本明監本毛本同案何上浦鏜云脫○是也

由此二傳論之

閩本明監本毛本二誤三

天子食元侯

閩本明監本毛本同案浦鏜云食當饗字譌是也

歌四夏也

閩本明監本毛本四作肆案所改是也下同

言金奏者始作未

閩本明監本毛本同案浦鏜云未當樂字譌是也

於次國與小國

閩本明監本毛本於誤以

毛詩注疏校勘記

卷三

三

小國於次國於小國閩本明監本毛本同案盧文昭讀小國上屬其下改小國相於次國非也此當八字一句謂小國之於次國及小國之於小國也小國在次國下故不得言相於若倒小國相於在上則無以說次國矣

則元侯相見閩本明監本毛本同案見當作於上下文可證

燕羣臣乃聘問之賓閩本明監本毛本同案山井鼎云乃恐及誤是也

於元侯雖閩本明監本毛本同案雖當作饗讀四字一句

但鄭從風為鄉樂以上差之閩本明監本毛本風誤八

文與天子燕羣臣閩本明監本毛本同案浦鏜云又誤文是也

自由尊用之差閩本明監本毛本同案浦鏜云卑誤用是也

使上取以饗為文閩本明監本毛本使誤此

箋云飲之而有幣酬即饗所用閩本明監本毛本同案此不誤酬下浦鏜依彼

箋添十二字非也饗專係飲彼正義有明文不得兼引食

禮者可以逮下閩本明監本毛本禮下有輕字案所補是也

鄉飲酒大夫之禮閩本明監本毛本同案十行本鄉至大剗添者一字

三十年後事閩本明監本毛本事下行也字

則是流彘之後毛本是誤事閩本明監本不誤

作懿以自誓閩本明監本毛本誓作警案山井鼎云國語作傲作誓為非是也抑正義引作傲

事在大雅之後閩本明監本毛本同案大雅當作流彘上下文可證

論怨嗟小閩本明監本毛本同案浦鏜云怨嗟當惡差之誤是也

王師敗績於羌氏之戎閩本明監本毛本羌作姜案所改是也下羌戎為敗亦當作姜

蓋周衰自此而漸也閩本明監本毛本白誤至

是序此篇之意也閩本明監本毛本同案此當作比形近之譌

故終以斯干考室毛本干誤年閩本明監本不誤

殺王麗山之下閩本明監本毛本麗誤驪

褒姒滅之明監本剗滅為威閩本毛本不剗案滅字是也威本或作滅見釋文

故上以盛隆為大雅閩本明監本毛本上誤士

何也獨無刺厲王閩本明監本毛本同案浦鏜云以誤也是也

不應改厲為幽閩本明監本毛本厲誤詩

今先王起衰亂閩本明監本毛本同案先當作宣下文可證

興廢於人也閩本明監本毛本廢下有存字案所補是也

無為陳其廢缺矣毛本缺誤政閩本明監本不誤

故左傳曰以什共車閩本明監本毛本共誤其

咨者無紙閩本明監本毛本同案山井鼎云咨恐昔字非也咨當作古出車正義云古者無紙可證

皆用簡札閩本明監本毛本札誤禮案因十行本以札為禮之別體而誤改也

商魯非周詩毛本脫魯字閩本明監本不誤

明無所用於之什也毛本於之誤倒閩本明監本不誤

○鹿鳴

故鄉飲酒燕禮注云毛本燕誤宴閩本明監本不誤

講道脩德之樂歌是也閩本明監本毛本同案浦鏜云政譌德以儀禮注考之是也

非於臣子忻樂之義閩本明監本忻誤所毛本作欣下此詩主於忻樂閩本明監本毛本

皆作欣案忻字是也餘同此

故敘以燕因之

閩本明監本毛本同案盧文弨云因疑目是也

饗謂享大年以飲賓

閩本明監本毛本同案浦鏗云亨誤享考儀禮注是也伐木正義引

作亨

仍不必用束帛乘馬

閩本明監本毛本仍誤乃

萃籟蕭

小字本相臺本同考文古本同閩本明監本毛本蕭下衍也字

吹笙而鼓簧矣

小字本相臺本同案段玉裁云宋書樂志引吹笙則簧鼓矣君子陽陽疏言吹笙則

鼓簧今考此引者以意言之耳傳本是而字考文古本無而字誤

書曰篚厥元黃

小字本相臺本同案篚厥二字當倒毛居正六經正誤云篚厥元黃作厥篚元黃誤

興國及建本皆作篚厥其說非也正義標起止云篚書曰厥篚元黃是正義本如此也故下文云今禹貢止有厥篚

元纁之文而鄭禹貢注引允征曰篚厥元黃則此所引亦為允征文正因此篚作厥篚與禹貢相涉故言今止有以明黃字之非彼文也若作篚厥但當引彼注不煩言此矣

示當作寘

小字本相臺本寘作寘閩本明監本毛本同案釋文示下云鄭作寘六經正誤所載作寘十行

本正義中皆作寘考此寘字從宀者在說文新附卷耳伐檀經各本皆作寘段玉裁曰即寘之譌文是也而自唐時即有分別從宀者訓置從宀者為東山常棣箋字訓久者矣

瑟琴以樂之

閩本明監本毛本琴作笙案所改是也此正義用玉肅述毛也見下

故嘉賓皆愛好我

毛本我誤義閩本明監本不誤

琴瑟笙幣帛愛厚之者

閩本明監本毛本無琴字案所刪是也

謂羣臣相呼以成君禮

閩本明監本毛本謂誤為

箋書曰厥篚

閩本明監本毛本厥篚誤倒

琴笙以樂之

閩本明監本毛本琴作瑟案所改是也

不問其親疏

閩本明監本毛本間誤問

非直燕曰話言而已

閩本明監本毛本話誤話

蒿菽也

小字本相臺本同案釋文云本或作牡菽牡衍字耳正義云本或云牡菽者牡衍字牡菽乃是蔚非蒿也與蓼菘傳相涉而誤耳

恍愉也

小字本相臺本同案釋文云愉他侯反又音踰正義云愉音與說文訓為薄也又云定本作愉如其所言不為有異應是定本作愉依爾雅改耳當以釋文正義本為長

是則是倣言可法倣也

毛本上倣字誤倣明監本以上皆不誤

謂蒿為菽

毛本為誤謂閩本明監本不誤

今人呼為青蒿香中炙啖者為菽

閩本明監本毛本同案呼下為字衍也今

爾雅注無此讀以上十二字為一句

目視物與示傍見

閩本明監本毛本同案與當作為因別體俗字與作与而致譌也

愉音與

閩本明監本毛本同案音與二字當旁行細書正義白為音例如此○案非也

說文酬為薄也

閩本明監本毛本同案浦鏜云訓誤酬是也

定本作愉者然

閩本明監本毛本同案愉當作愉見上者當作若屬然字別為句

為草貞實

閩本明監本毛本貞誤真

○四牡

箋云無私恩

小字本相臺本同案正義云集注及定本皆無箋云兩字是自此盡辭王事並屬傳也段

玉裁云是也

甚疲勞矣

明監本毛本甚誤其閩本不誤



使臣當爾之時

閩本明監本毛本爾誤此

卽非適王畿也

閩本明監本毛本卽誤耳

爲後世法者

閩本明監本毛本者誤所

定本云作樂以文王之道

閩本明監本毛本樂以誤此爲

舉中以明上下

毛本中誤衆閩本明監本不誤

箋以傳言未備

閩本明監本毛本未誤不

采其勤苦王事

明監本毛本王誤工閩本不誤

又定本思恩作私恩

閩本明監本毛本同案此當云又定本私恩作思恩誤互易其字也

正義本作私恩上文可證

遂受命遂行

閩本明監本毛本下遂字誤乃

旣釋幣於禰於行

閩本明監本毛本於誤乃

乃云遂受命

閩本明監本毛本乃誤又

離名其夫不

閩本明監本毛本同案山井鼎云爾雅疏無其字今考彼疏引云離一名夫不

祝鳩離夫不者故爲司徒

閩本明監本毛本同案者當作孝爾雅疏卽采此正作孝

而今本亦誤爲者

今鷓鴣也

閩本明監本毛本同案浦鏗云鷓鴣是也釋文引草木疏云夫一名浮鳩浮卽鷓鴣字

述時其情

小字本相臺本時作序閩本明監本毛本作敘案序字是也

敬爲尊愛爲親

閩本明監本毛本上爲字誤以

後爲詩人歌故云歌耳

閩本明監本毛本同案人當作入形近之譌

○皇皇者華

則為不辱命也小字本相臺本同案釋文云不辱命也一本作不辱君命考正義云所以臣無辱命其本當無君字考文古本有采釋文

序以君本送之以禮樂

閩本明監本毛本君誤言

知遠而有光華

閩本明監本毛本而誤之

每雖懷和也

小字本相臺本同案正義云本皆如此又云如鄭此意則傳本無每雖二字又云蓋鄭所據者本無每雖後人以下傳有雖有中和之言下篇每有良朋之下有每雖之訓因而加之也定本亦有每雖又云而今詩本皆有每雖則王肅之說又非無理云云經義雜記以為王肅私加是也○按舊按非也毛於此云每雖懷和也末章傳曰雖有中和當自謂無所及即蒙此傳而言以釋經文每懷靡及也傳自作和箋乃易和為私字未可牽合句云每雖二字為後人所加非也鄭云中和謂忠信也是鄭謂中和即經之用絕非毛意毛以用也咨也詎也

謀也度也詢也為六德皆在雖有中和之外

懷私為每懷也

小字本相臺本同案此引國語私當如彼文作和章昭云後鄭司農云和當為私即據下箋也正義云故鄭引其文因正其誤云和當為私為和誤也考此則正其誤在下此當仍作和矣正義中臣聞之曰懷私為每懷是外傳以為懷私末章正義中箋云懷私為每懷皆和字之誤亦見經義雜記

此述文王勅使臣之辭

閩本明監本毛本勅誤遣

而章傳云

閩本明監本毛本同案而當作卒

明魯語所亦當為懷私

閩本明監本毛本所下有云字案所補是也

下復解傳中和為忠信

毛本忠誤中閩本明監本不誤

摠戒勅之

毛本戒誤介閩本明監本不誤

我馬維駒

唐石經小字本相臺本同案釋文云駒音俱本亦作驕正義云維是駒矣是其本作駒與株林同已

見彼下

則於是訪問

閩本明監本毛本同小字本相臺本是作之案之字是也

才當為事

明監本毛本才誤身閩本不誤

我馬維駟

毛本駟誤網明監本以上皆不誤

箋以破和為私

閩本明監本毛本同案浦鏗云以疑已字誤是也

上當毛意以否

閩本明監本毛本同案山井鼎云宋板上作止其實不然當是剝也上字不誤

止字非也

○常棣

則遠及九族宗親

閩本明監本毛本親誤族

上四句言兄弟光顯

閩本明監本毛本同案浦鏗云章誤句是也

至此上論兄弟由親

毛本由誤之閩本明監本不誤

以為二叔宜為夏之末

明監本毛本之上有殷字閩本剝入案所補是也

即傳言云二叔可知

閩本明監本毛本同案言字當衍

鄂不韡韡

唐石經小字本相臺本同案釋文云鄂五各反詩經小學云鄂字從口今考唐石經以下各本及釋

文皆從下作地名之鄂疑此經乃依聲託事也說文口部無鄂韡下引此詩作萼出後人所改艸部亦無萼字李善長笛賦注引字林鄂直言也鄂字當始於漢而周禮禮記注用之○按古或有从口之鄂說文或有遺漏之字

常棣棣也

小字本相臺本同案釋文云本或作常棣移又云作移者非正義云常棣棣釋木文也

不當作拊

小字本相臺本同案釋文云鄭改作拊又不拊同下云拊本亦作

拊前注同考說文木部云拊闕足也山海經負葉而白拊集韻十虞亦作拊皆從木而羣經音辨載此字在手部則當時釋文字已從手也

與此唐棣異木

閩本明監本毛本同案浦鏜云與此當誤倒是也

管蔡之事以次

毛本同閩本明監本次誤是案皆非也

近之譌序下正義云以管蔡已缺即用此述毛語也當據彼正之

言兄弟人恩至厚

閩本明監本毛本人作之案所改非也人恩見鄭表記注

則當求以相耽

閩本明監本毛本同案耽當作助形近之譌

所以相半矣

閩本明監本毛本半誤求

況也永歎

閩本明監本毛本同小字本相臺本歎作嘆唐石經亦作嘆案釋文云況也或作兄非也段玉裁云此桑柔

經況字後改案釋文云況也或作兄非也段玉裁云此桑柔召旻及今文尚書母兄曰則兄曰正同作兄是作況非

每有雖也

小字本同閩本明監本毛本同相臺本無有字案相臺本誤也每有雖也箋用釋訓文皇皇者

華正義云下篇每有良朋之下有每雖之訓乃隳括此箋不當據之刪也下箋云雖有善同門來雖即每有也雖下

之有非經中之有亦殷其雷傳箋此字之比考文古本作每有雖有更誤○按舊校非也無有字為是箋正用皇皇者華傳

茲對也唯長嘆而已

閩本明監本毛本同案此不誤浦鏜云之誤也非也凡正義於說經

必順其文此順經云況也耳下經烝也正義云雖久也亦順經可證○按對字非經中所有則傳說亦非浦云

也當作之為是正義用箋語耳

外禦其務

唐石經小字本相臺本同案此定本也釋文外禦魚呂反與定本同正義云定本經御作禦訓為禁

集注亦然是正義本經作御字

箋云禦禁

小字本相臺本同案禦禁定本也見上正義云俗本以傳禦為御爾雅無訓疑俗本誤也此正

義當有誤詳下段玉裁云此傳御禦務侮也兄弟雖內翊而外禦侮也本國語爾雅各本誤衍箋云非也定本改御禦為禦禁不知御禦見於谷風傳矣正義疑爾雅有禦禁而無御禦不知爾雅御禦禁三字互訓

過於朋友也

毛本於誤與閩本明監本不誤

亦其朋者也

閩本明監本毛本同案朋者當作同志形近之譌耳

俗本以傳禦為御

閩本明監本毛本同案此當作俗本以傳為御禦誤倒禦字於為字二也

兄弟尚恩怡怡然

小字本相臺本同案此定本也正義云兄弟之多則尚恩其聚集則熙熙然正義本作熙熙也詳下

朋友以義切切然

小字本相臺本同案此釋文本也釋文云切切然定本作切切惇惇然正義云

朋友之交財以義其聚集切切節節然又云論語云朋友切切惇惇兄弟怡怡注云切切勸競貌怡怡謙順貌此熙熙當彼怡怡節節當彼惇惇定本熙熙作怡怡節節作惇惇依論語則俗本誤考此當是毛所據論語自作熙熙節節耳定本乃改之以合於其時行世之論語非也切切節節然又見伐木正義

節節作惇惇

閩本明監本毛本節節誤切切

飫非公朝私飫飲酒也

閩本明監本毛本同案滿鏗云下飫字衍從爾雅疏按是也此

誤衍耳見下

周語有王公立飫

閩本明監本毛本同案十行本語至立剗添者一字考此當是因上句衍

飫而脫去一字後就而補之仍未去其衍字也

在露門內也

閩本明監本毛本露作路下以私在露寢堂上同

亦從后於房中

毛本后誤後閩本明監本不誤

至意合也

閩本明監本毛本同小字本相臺本至作志案志字是也

翁合也


小字本相臺本同閩本同考文古本同明監本毛本合誤如

故有妻子也

閩本明監本毛本也誤自

族人者入侍

閩本明監本毛本同案者當作皆形近之譌



毛詩注疏校勘記

卷三

三

是潔宗也

閩本明監本毛本潔誤媒

族人皆侍終曰

閩本明監本毛本同案浦鏜云日誤日以特牲注考之是也

燕私者何也已而與族人飲也

閩本明監本毛本同案此不誤已上浦鏜云脫

祭字又云衍下也字從儀禮經傳通解校非也通解多以意增刪不可據也

故族人在堂室婦在房也

閩本明監本毛本同案浦鏜云宗誤室是也

宜爾家室

小字本相臺本同考文古本同唐石經家室作室家閩本明監本毛本同案作室家者是也禮記引

同以家帑圖乎為韻唐石經可據也正義云然後宜汝之室家亦其證

毛詩注疏校勘記卷三

臣顧廣圻校字

